

769.3  
VINCENTII 165

CONTARENI  
DE FRUMENTARIA

Romanorum largitione

LIBER,

*In quo ea præcipuè, quæ sunt à*

JUSTO LIPSIO

cum in Electis, tum in Admi-  
randis de eadem prodita,  
examinantur.

*Ejusdem*

DE MILITARI ROMANO-  
RUM STIPENDIO

Commentarius.



VESALIÆ,

Typis, ANDRÆ ab HOOGENHUYSEN,  
Typogr. Ordin.

M. DC. LXIX.



*Plurimum Reverendo, Clarissimo &  
Doctissimo.*

Viro,

Dn. CHRISTOPHORO  
WITTICHIO,

SS. Theolog. & Philosophiæ Do-  
ctori, illiusque in Illustri Academia  
Neomagenfi Professori  
Celeberrimo.

**R** Edit ad te, Vir Clarissime,  
VINCENTII CONTARENI  
præfens quod cernis OPUSCU-  
LUM, quod mecum pro summo  
tuo in rem literariam affectu, nō i-  
ta pridem communicare dignatus  
es. Illius encomiastē ut agam, me-  
arum nec est virium nec partium.  
Sibi met ipsi abundē illud sufficit,  
nec apud æquos Censores alieno  
indiget præconio. Typis de novo  
describere duxi operę pretium, ut  
( 2 )                      fic

## DEDICATIO

fic & doctissimi autoris honori litarem, & multorum desideriiis satisfacerem. Tibi verò illud consecrare & volui & debui, ut ita pro beneficiis maximis, quibus me meosque hætenus citra demeritū prosequutus es, aliquale apud te extaret *τιμήριον* Quod uti non dubito, quin æquo animo sis laturus, ita obnixè rogo, ut me ac hosce meos conatus benivolo vultu per rō aspicere digneris. Dabam Vefaliæ. 26. Junij Anno 1669.

*Tibi ad quævis obsequia  
paratissimus*


ANDREAS AB HOGENHUYSEN.



169  
ILLVSTRISSIMIS  
ATQVE EXCELLENTISS.  
TRIVMVIRIS.

Patauino Gymnasio moderando  
M. ANTONIO MEMO D. MARCI  
PROC.  
ANTONIO PRIOLO ÆQVITI ET D.  
MARCIPROC.  
ANDREAE MAVROCENO SE-  
NATORI.

*Vincentius Contarenus*  
*S. P. D.*

 I generis vestri clarita-  
tem specto Ill.<sup>mi</sup> atque  
Excell.<sup>mi</sup> Trium viri,  
earum gentium fami-  
liæ vestræ sunt, quæ præcipua  
inter Italicas noblitate censentur.  
Si dignitatem; omnes honestissi-  
mum, plerique summo proximum  
in REP. VENETA locum obti-  
netis. Si propensam ad bonarum  
arti-

## DEDICATIO

artium studia juvāda voluntatem;  
ea fidei vestræ publicè sunt com-  
mendata. Si quantum vobis præ-  
cipuè debeam; muneris vestri est-  
quod honesto fruor otio, quod u-  
nis, ut semper optavi, litteris vaco,  
quod apertus mihi à vobis est cur-  
sus ad laudem, atque adeo, nisi per  
me stet, ad immortalitatem, cum  
sex abhinc annis doctrinarum om-  
nium principibus me in Patavina  
Academia collegam adjungen-  
dum censuistis. Quamobrem caus-  
sas, cur inscribi aliquid vobis de-  
buerit depromptum è studiis me-  
is, cur quæram, aut comminiscar,  
nihil est. Cum enim de vobis co-  
gito, fatis multas, & quidem gra-  
ves reperio. Cum autem vires me-  
as consulō, quid sciam, quid susce-  
perim, quid præstiterim; venit in  
men-

mentem vereri, non dicam, ne vobis, quorum est incredibilis humanitas, sed ne forte aliis nomine vestro ad libelli hujus commendationem videar abuti. Quos in litteris progressus fecerim, mei iudicii non est; id unum scio, tam multis partibus esse plura, quæ nesciam, ut quidquid id est viæ, quod confeci, præ eo quod restat, puncti instar sit. Præterea in tam difficili versor argumento, ut vel me iudice, eximium JUSTI LIPSII ingenium fatigarit. Quid igitur putem præstare posse me Amplitudine vestrâ non indignum, & loci claritate, quem post SIGONIUM. V. C. à me teneri voluistis? Ut nihil præstem, conari iuvat, nervosque omnes intendere, ut quod Vobis pro immortalibus

## DEDICATIO

vestris in me beneficiis debeo, saltem voluisse videar aliqua ex parte dissolvere. Cujus autem stultitię fuerit, vos publicos litterarum patronos, æstimatores industrię, judices ingeniorum adeo negligere, ut quę propria vestra cognitio est, eam aliis tribuam, & judicare prius quemquam de me, quam Vos selectos judices malim? Nam obscura, multisque implicata difficultatibus quęstio, & magnum in litteris LIP SII nomen faciunt, ut mihi opus sit latere in tutela, & præsidio dignitatis vestrę. Magnum enim & anceps in eo certamen cum gratioso adversario, qui ingenii atque industrię opinione omnium ferme animos jampridem occupavit. Male igitur mecum agatur, ni Vos habeam

## DEDICATIO

beam patronos , quorum me re-  
creet virtus , reficiat humanitas  
reverentia confirmet. Spero  
etiam fore , ut me vobis conciliet  
PETRUS BEMBUS, cui Vos  
ut patria , sic historia conjunxit ;  
qua res præclare à majoribus ve-  
stris bello & pace gestas immorta-  
li memoriæ consecravit. Qui igitur  
alteram ejus beneficio , non  
pecuniæ sed gloriæ , quæ vobis  
eripi nullo modo possit , hæredi-  
tatem crevistis , ei optime merito  
gratiam referetis, si quod mihi ot-  
tium facitis , id vobis non modo  
volentibus , verum etiam faventi-  
bus in ejus fama facta tecta tuenda  
consumpsero. Id enim ago , moli-  
or quidem certe , & hunc libel-  
lum , quo mihi viam muniat, præ-  
mitto. Is poterat, fateor, & primi  
diu-

## DEDICATIO

diutius & acriore studio perpoliri, ne cetera à fronte, quam nomen vestrum ornat, discreparent. Sed in tanto frugum proventu, quo anno Ceres peregrinata esse his regionibus videtur, mea ego frumenta premere non debui, sed potius Romanorum exemplo largiri, ut ubere annonâ quemadmodum corpora, ita ingenia alerentur. Hoc enim consilio me ad scribendum contuli. Quod si id sum, quod volebam, assequutus, Vobis secundum Deum referri acceptum volo: sin minus, hoc saltem assequar, ut apud omnes testatum relinquam, me, quantum vobis debeam, intelligere. Valet.

Patavij Pridie Kal. Sextiles cIoIo cIX.

141  
GLI Eccell<sup>ti</sup>ssimi Sig. Capi dell'  
Eccelso Consiglio di X. infra-  
scritti hauuta fede dalli Sig. Reformato-  
ri dello Studio di Padoa, per relatione à  
loro fatta dalli doi à questo deputati,  
cioè del R. P. Inquisitor, & del Circ: Se-  
cretario del Senato Gio Maravegia, che  
nel Libro intitolato *Vincentii Contareni  
De frumentaria Romanorum largitione li-  
ber &c.* non si troua cosa contraria alle  
leggi, & è degno di stampa, concedono  
licentia, che possi esser stampato.  
Datum die 13. Augusti 1609.

D. Benetto Sanudo

D. Filippo Bembo

D. Lorenzo Marcello

} Capi del' Eccelso Cons. di X.

*Excellentiss. Cons. X. Secretarius  
Io. Baptista Padaninus.*





INDEX CAPITUM.

DE <sup>frumentaria</sup> largitionis i-  
nitio, & progressionē, dum  
fuit arbitraria. Caput I.

*Leges de frumentaria largitione.*

*Caput*

*II.*

*De frumentariis Principum largiti-  
onibus.* Caput III.

*De pane pro frumento dari cæpto.*

*Caput*

*IV.*

*De mode frumenti.* Caput V.

*De iis quibus dabatur publicum fru-  
mentum.* Caput VI.

*De numero accipientium publicum  
frumentum.* Caput VII

*De iis, qui curabant publicum fru-  
mentum.* Caput VIII.

*De iis qui frumentum distribuerunt.*  
Caput IX.

*De frumentariis provinciis.* Cap. X.

## PRÆCIPVA QUÆDAM

Disputationis Capita, in quibus  
Contarenius a LIPSIO dissentit.

## Capite I.

- 1 **N**ON esse id initium frumentariæ largitionis, quod tradit Lipsius primo Electorum Cap. VIII. ex LIVIO qui de largitione verbum nullum facit.
- 2 Integrum Plinij libro XVIII. Cap. III. locum de Marcij largitione frustra à Lipsio emendari.

## Cap. II.

- 3 Nulli esse culpæ affinem, neque ab aliorum scriptorum consuetudine discedere APIPIANUM, cum affirmat lege Sempronia datum plebi frumentum ἀπὸ τοῦ κοινῶν, de publico.
- 4 Legem Semproniam non modo ante Syllam fuisse abrogatam, sed tres præterea de frumentaria largitione, aut promulgatas aut latas ante Syllanam dominationem.
- 5 Legem Terentiam, quam significat Mar-

*Marcus trib. pl. apud Salustium in  
historiarum fragmentis fuisse perla-  
tam.*

*Averuntov esse eum, cui nihil dividatur, 6  
non autem infinitum, ut Lipsius ver-  
tit.*

*S. C. in Catonis sententiam factum & 7  
ratum fuisse.*

*Non unam a Clodio, sed duas latas esse 8  
frumentarias leges.*

*Suasus Catonis frumentum gratis datum 9  
non fuisse.*

### Cap. III.

*Augustus XI. consulatu duodecim fru- 10  
mentationes famis causa emensum  
non esse.*

*Pretium frumenti, quo de agit TACI- 11  
TVS libro Annalium XV. non fuisse  
ejus, quod Imperatores largiri erant  
soliti, cum id fuerit à lege Clodia om-  
nino gratuitum.*

### Cap. IV.

*Neque à Trajano pacem pro frumento 12  
dari ceptam, ut docet Lipsius in Ele-  
ctis, neque circa Flaviorum imperi-*

um, ut in *Admirandis* Cap. X. lib. II.  
 quæ utraque initia confirmat veterem  
 testimoniis, neque tamen eorum pug-  
 nam dirimit.

13 Potuisse Lipsium animadvertere fabulas  
 cani à veteri Persii interprete, cum  
 in *Satyræ* III. significatum ait pa-  
 nem fiscalem ab eo, qui *Satyræ* V. fru-  
 mentariam largitionem agnoscit.

14 Lapi. Lipsium in *IVVENALIS* loco  
 interpretando, non modo quia poeta re-  
 clamat *Satyræ* VII. verum etiam quia  
 ipse nec secum pugnare videtur, cum  
 in *TACITI Annalium Librum* IV.  
 de pane *Vænali* hæc scripta docet.

15 Vitiosam esse eam concludendi rationem,  
 quia utitur Lipsius in *VICTORIS* lo-  
 co. Si collegium pistorum a Trajano,  
 ergo & panis fiscalis.

Cap. V.

16 Aque vitiosam esse alterâ, qua utitur,  
 ut ostendat modum frumenti minimû  
 fuisse modios senos, quia *Marcus* apud  
*SALVSTIUM* ut exilem modi-  
 um quinquum largitionem criminatur.

*Falso Lipsium scripsisse in Admirandis  
ordinariâ largitionem fuisse X. modio- 17  
rum, atq; id à se in Elietis notatum, ubi  
non modo hoc non notat, sed contrari-  
am etiam sententiam probat, quam  
ego Cap. III. Dionis testimonio con-  
firmavi.*

*Cap. VII.*

*Dionis verba de frumentantium numero 18  
à Cæsare ad partem dimidiam redactio  
Lipsium male interpretatum videri.*

*Auctum a Cæsare frumentantium nu- 19  
merum probabilius videri, quam ve-  
terem, ut putat Lipsius, esse revoca-  
tum.*

*DIONEM in recensu ab Augusto acti 20  
tempore, & in pecuniæ summa non  
modo non errasse, verum etiam in his  
prodendis summa fide, ac diligentia  
esse versatum.*

*Factus necne sit ab Augusto, quo anno 21  
XIII. consulatum gessit, populi re-  
census, ex lapide Ancyrano intelligi  
non posse.*

*Lipsium semel & iterum Ancyrani la- 22  
pidis*

pidis exemplar frustra emendare conatum.

23. *Vitiosa tertia Lipsij argumentatio. Auxit Tiberius TACITO septe libro Annalium VI. numerum frumenti; & frumentantium igitur.*

Cap. VIII.

24. *Ediles frumentaria curatione solutos lege Terentia, quam Sempronia verisimilius videri.*
25. *Turranium titulo annonæ præfectum, revera Augusti in hac curatione Vicarium fuisse, contra quam Lipsius sentiat in Electis, & in TACITI Annalium lib. I.*

Cap. IX.

26. *Viariam legem à Curione esse jactatam, non vineariam, ut Lipsius vult, COELII locum ex epistola ad Cicero- nem corrumpens.*

Cap. X.

27. *Africani frumenti modum a Lipsio neq<sub>3</sub> in Electis, neq<sub>3</sub> in admirandis satis fuisse investigatum.*
28. *Potuisse Lipsium animadvertere Iosephum in*

in Agrippæ oratione ad Iudæos causæ  
sæpe servire.

VICTORIS locum de Ægyptio fru- 29  
mento à Lipsio corrumpi, ut inuitum  
Iosephum servet.

Multos veterum scriptorum locos trahi 30  
à Lipsio repugnantes ad frumentari-  
am largitionem, quæcum nihil illis  
reieft.

# VINCENTII CONTARENI

De frumentaria Romanorum  
largitione

LIBER.

**S**i qui sunt, qui cupiant recta graf-  
sari ad gloriam, neque ex aliena  
ignominia famam aucupentur, in his  
ego nomen profiteor meum. Semper  
enim in ea fui sententia, ut existima-  
rem, qui ex alienis incommodis sua  
comparant commoda, violari ab iis  
hominum inter homines societatem,  
& dari non obscura pravi atque obtusi  
ingenii argumenta. Quippe cum re ip-  
sa fateantur, præcisam sibi esse omnem  
super ceteros eminendi spem, ni aliorum  
ruina se fulciant, atque attollant. Sed  
ut docent officiorum magistri, inci-  
dunt tempora, cum, quæ turpia & in-  
iusta sunt, fiunt contraria, & viros  
bonos



bonos, excelsoque animo præditos decent Neque enim qui serviunt communi utilitati, sapientum iudicio sunt ulli culpæ affines, si facere non possunt, quin de aliena fama quid detrahant: & fuit laudabile Romæ institutum, priusquam odiis, atque ambitu corrumpere, commendationem ætatis ab accusatione ducendi. Ita enim fiebat, ut qui legibus coerceri non poterant, poenæ saltem, atque ignominiaæ metu a malefactis deterrentur. Sed & ad arcendam, propulsandamque iniuriam deprimere eum, a quo infertur, licet; non modo si nos ipsi lædamur, aut cognatione, & familiaritate nobis conjuncti, sed etiam si alii, qui ope nostra egeant. quod officium qui prætermittunt, dum vitant vitium, in contrarium incurrunt. Hæc faciunt, bona ut spe sim, & iudicibus non iniquis causam meam me probaturum confidam: qui cum publicæ utilitatis, tum civis mei tuendi studio incensus diem IUSTO LIPSIO V.C. dicere aude-

am. Agitur enim causa veritatis, quam ut scopum habent omnes propositam, qui bonis artibus operam navant. Pro ea qui mendacium obtrudi alicui patiuntur, non minus violant officium, quam qui ab ægris, ut medici famæ parcant. venenatum poculum exhaustiri sinunt. Agitur etiam causa PETRI BEMBI, qui fuit splendor Italici nominis, & patriæ ornamentum. Is à IUSTO LIPSIO, quem non modo non læserat, sed ne natum quidem scire potuerat, accusatus, & mortis exceptione usus ita à plerisque absolvitur, ut damnentur Itali, qui dolorem suum tam lente ferunt, & Germanis defensi B E M B I gloriam non invident. Hanc igitur maculam Italico nomini, civibus meis, & BEMBO præcipue impositam ut dezerem, statui mihi omni ope enitendum, atque ut Græci dicunt, καὶ χεῖρι καὶ πόδι καὶ, ὡς ἐν δυνάμει. Quamquam autem que nunc instituitur de frumentaria largitione disputatio, potest prima fronte

te videri ἀποδείκνυσθαι, atque à suscepto Bembi patrocinio remota; qui tamen consilij mei rationem perspexerit, non dubito, quin fuisse id tutissimum, necessarium certe fateantur. Cum eo enim res mihi futura est, qui ab ubere ingenij, atque industriæ fonte ad tantam profluxit hominum existimationem, ut altior videatur omnium censura, & unus ex omnibus nulli errori obnoxius: scilicet Olympi similis cujus verticem astris propiorem, quam terris negant ullis obduci nudibus, ullis perflari turbini- bus ventorum. ut verendum sit maximopere, ne præjudicia de tanti viri doctrina veritati ad animum aditum præcludant, meque nequidquam clamante, ac repugnante loqui è tripode tunc etiam videatur, cum è plaustrò jactat in BEMBUM maledicta verius, quam crimina. Quare faciendum est, ut muniam mihi ad defensionem viam & ad fidem; atque hominem esse LIPSIUM ostendam, ad cujus diligentiam

am. Agitur enim caussa veritatis, quam ut scopum habent omnes propositam, qui bonis artibus operam navant. Pro ea qui mendacium obtrudi alicui patiuntur, non minus violant officium, quam qui ab ægris, ut medici famæ parcant. venenatum poculum exauriri sinunt. Agitur etiam caussa PETRI BEMBI, qui fuit splendor Italiçi nominis, & patriæ ornamentum. Is à IUSTO LIPSIO, quem non modo non læserat, sed ne natum quidem scire potuerat, accusatus, & mortis exceptione usus ita à plerisque absolvitur, ut damnentur Itali, qui dolorem suum tam lente ferunt, & Germanis defensi BEMBI gloriam non invident. Hanc igitur maculam Italico nomini, civibus meis, & BEMBO præcipue impositam ut delerem, statui mihi omni ope enitendum, atque ut Græci dicunt, *καὶ χεῖρι καὶ πόδι καὶ, πᾶσι συνάμει.* Quamquam autem que nunc instituitur de frumentaria largitione disputatio, potest prima fronte

te videri ἀποσδιόνους, atque à suscepto Bembi patrocinio remota; qui tamen consilij mei rationem perspexerit, non dubito, quin fuisse id tutissimum, necessarium certe fateantur. Cum eo enim res mihi futura est, qui ab ubere ingenij, atque industriæ fonte ad tantam profluxit hominum existimationem, ut altior videatur omnium censura, & unus ex omnibus nulli errori obnoxius: scilicet Olympi similis cujus verticem astris propiorem, quam terris negant ullis obduci nudibus, ullis perflari turbini-bus ventorum. ut verendum sit maximopere, ne præjudicia de tanti viri doctrina veritati ad animum aditum præcludant, meque nequidquam clamante, ac repugnanter loqui è tripode tunc etiam videatur, cum è plaustro jactat in BEMBUM maledicta verius, quam crimina. Quare faciendum est, ut muniam mihi ad defensionem viam & ad fidem; atque hominem esse LIPSIUM ostendam, ad cujus diligentiam

am & iudicium aliquid possit accedere. Quod si assequor; de eodem oleo, atque opera consulum veritatis amantibus; iis præsertim, qui aut districti gravioribus negotiis, aut in aliarum artium tractatione occupati ita diverunt ad nostras, ut singula examinare per otium non possint. Hi enim sunt in primis idonei, qui fallantur; præsertim in legendis LIPSIJ libris, in quibus multa a vero abhorrentia sub veri persona latent. Ea omnia qui velit excutere, provinciam suscipiat eo graviolem, quo est difficilius refellere mendacium, quam dicere. Mihi sane satis superque erit pauca è plurimis in medium afferre, ut ex iis conjectura de ceteris fiat. Familiam ducet hæc de frumentatione disputatio: sequentur varix lectiones meæ, in quibus interdum a Lipsio dissentiam. Hæ dum describentur, institutam absolvam BEMBI defensionem, daboque operam, ut omnes intelligant, LIPSIJ censuram, ne quid gravius dicam, esse levissimam.

mam. Cogent agmen libri de FALSA  
magnitudine Romana, quibus AD-  
MIRANDA oppugnabo, & illos  
præcipue gigantum more congestos  
auri montes non fulmine, sed solo ve-  
ritatis fulgore disijciam. Quo fiet ut  
non modo undique tecta sit apologia,  
sed par etiam pari referatur; & qui  
Venetam PETRI BEMBI historiam  
damnavit, ejus fabulæ de magnitudi-  
ne Romana explobatur, Vrbe ipsa,  
ut spero, favente, de cujus glo-  
ria plurimum detrahitur, cum lauda-  
tur falso. Hæc scripseram Lipsio su-  
perstite, cum nihil mihi esset optati-  
us, quam ne quid illi humanitus acci-  
deret, antequam hi libri ederentur.  
Primum ne cui forte sermones darem  
de me; citare Lipsium, cum sistere se,  
& respondere vadato non posset: quo-  
cum vivo congrædi ausus non essem,  
cum eo mortuo larvarum more lucta-  
ri. deinde ut summum virum, qui mul-  
to ante, quæ vocarem in controversi-  
am, esset meditatus, secūq; animo per-  
egisset,

egisset, non imparatum haberem adversarium, atque ita citius è conflictu nostro scintillæ veritatis emicarent. Conflictum dixi, litterarium tamen, in quo, ut homines decet honesto loco natos, & litteris informatos ad humanitatē solis rationum, ac testimoniorū momentis nos confodissemus. Sed cū **MARCUS VELSERUS II.** Vir Augustanus nobilitate, dignitatis gradu, & eruditione illustrissimus scripsisset ad me vixisse Lipsium, ita sum commotus, ut hastas, quod ajunt, abjecerim, & hunc ipsum libellum, qui in eo jam erat, ut imprimeretur, librariis extorserim. Et tamen denuo non modo amicorum, sed virorum etiam gravissimorum auctoritas me adduxit, ut eum edi paterer. Ita enim disputabant. unam eandemque esse nunc, & fuisse olim causam veritatis: imo eo nunc deteriorem, quod quædamnari potuissent à Lipsio superstitē, quasi sancita ejus morte, in hominum animis altiores in dies agerent radices.

[Has.



Has nemo si evelleret, ne pugnare cum mortuo videretur, quam esse veritati emergendi unquam reliquam sperit? Turpius eam mortuo, quam vivo proditum iri. Neque deterritum hac religionem cum Lipsium, quod de ageremus, quin tristem in Bembum censuram exerceret. Quid igitur me ipse morarer, ac ne Lipsij quidem vestigiis auderem insistere? Æternam adversus falsum, & libros, quibus proditur, esse auctoritatem. Quod erat factururus. si licuisset, Lipsius, ut scripta sua purgaret, id ego si facerem publico bono, optionis potius, quam hostis munere fungerer. Sed & habiturum gratiam, si sentiat, excoqui à me, quod in auro suo est, purgamentorum ac sordium. Neque esse verendum, ne viri prudentes apologiæ securum fucum facere. & insultare in mortuum audacius me putent. Neq; enim cum Lipsio actum esse tam male, ut non egregios disciplinæ suæ alumnos reliquerit, qui, quo par est, animo docto-

doctoris decreta, & memoriam colant. Hi certatim ne pro magistro vadium obiant, neu multi in me pro uno cooriantur, id vero esse verendum. Quis enim repressos præclaros illos impetus, aut restinctum credat ardorem animorum, quem præ se tulerunt, cum est Lipsius à Lampugnano petitus? Scire me, quam multi sint ejus patrociniū professi per id tempus, si quidem ipse adversarium contemnere, nec responso dignari institueret. Nec de fore, qui nullis obstricti grati animi vinculis, si minus pro Lipsio, at pro veritate meo exemplo omnem dimicationem subeundam neque amice monitum ingenti beneficio sibi obstringendum putent. Quod igitur Lipsius vixisset, id minus nemini quam mihi ipsi conducere, cui soli cum solo congregiendi spe erepta multo acrior cum pluribus immineret pugna. Si Lipsii sententiam in disquisitionem vocarem, facturum me item ut Cadmum, qui satis mortui draconis dentibus, armatus.

matas acies in se vidisset insurgere. Sed illi sessisse prospere, quod in se ipsas ferrum convertissent: mecum bene actum iri, si pauci in me conspirarint. Licere mihi defugere hanc pugnam, si male odisse. Ipsum, videri velim. Nam futuros, qui hoc sibi persuadeant, si eo rebus humanis exempto arma posuero, perinde ac si mihi esset ereptus; in quibus autem lapsus est humanitus, quorum odium præ me semper tuli, ea serpere in dies longius sivero. His illi cum me obtudissent, eo tandem perpulerunt, ut dicerem, fore me in eorum potestate; quin si hæc probari viderem viris doctis, reliqua etiam, in quibus a Lipsio dissentio, esse editurum. Aleam igitur, quam dicunt, jacio, atque hoc de frumentatione commentario liberare incipio fidem meam. In eo cœpi non omnia persequendi consilium, sed ea tantum, quæ aut censura, aut luce indigebunt.

Hoc

Hoc volui primum, nescius lector ne esset, quem præterea monitum volo, sæpe fore, ut iisdem utar scriptorum veterum locis, quos attulit Lipsius: aut qui sunt ejusmodi, ut cum magis idonei nulli reperiantur ad hanc rem illustrandam, sine illis manca, & mutila sit disputatio: aut quia possunt retorqueri in Lipsium, & ad eum confundendum adhiberi: aut quia in illis examinandis est non parvus diligentiae meae relictus locus. Ut igitur Attici, Strabone teste, quas veteres fabri negligenter excoxerant, massas recoquendo grandæ operæpretium fecerunt: ita spero fore, ut ex veterum locis, quos attulit Lipsius, denuo examinatis, multa eruantur, quæ ipse præterit, aut quæ ipsum præterierunt. Sed verborum jam satis est, ad rem ipsam veniamus.

*De origine, & progressionē frumentariæ largitionis, dum fuit arbitraria.*

Cap. I.

**F**RUMENTI largitio, quam frumentationem etiam dixere, quid veteribus fuerit, nomen ipsum satis indicare non potest. Nam & largiendī ratio una atque altera. & frumenti genera multa fuerunt. Donare non modo is dicitur, qui gratis dat; verum etiam qui ex pretio aliquid detrahīt. Quin vetustissimum hoc fuisse largitionis genus fatebitur, qui ejus tempora diligenter observarit. Principio enim Senatus, & magistratuum arbitrio frumentum datum est levissimo pretio in modios æstimatum: largitio deinde sancita est legibus. quarum postrema gratis primum dedit. Hæc arripit Imperatoribus, & habita inter imperij fundamenta diurno tandem pane mutata est. Frumentationis autem nomen non nisi post latas leges, ut mihi quidem videtur, usurpari cœptum,

ptum, Augusti præsertim ævo celebra-  
tum est. Largitio enim rara & incerta,  
& quandam retinens venditionis spe-  
tiẽ novum nomen nullũ desideravit. At  
statam, & multo quam solitum esset,  
frequentiore, ad plures pertinentem,  
& quod caput est, plerunque gratui-  
tam suo vocabulo sæpius appellatam  
esse, quis neget? sed missis nominibus,  
quatuor, quæ proposuimus, largiti-  
onis tempora sigillatim persequamur.  
Ante omnia origo & initium indagan-  
dum est. Qua in parte agit Lipsius sa-  
ne liberaliter: cum ad unum, & alte-  
rum aliquot annorum spatium dirempta  
digitum intendat. Nam Senatum sta-  
tim post reges exactos ex Livio lib. II.  
largitionis hujus auctorem facit anno  
V. C. CCXLVI. Idem Plinium sequu-  
tus lib. XVIII. hanc M. Marcio Ædi-  
li laudem tribuit, qui post annum  
V. C. CCLX. ædilitiam gessit. Quod  
fit, ut inter utrumque initium anni mi-  
nimum XV. intercedant. Scilicet ut  
quædam flumina, ita frumentaria lar-  
gitio

gitio à duobus diversis fontibus, & capitibus manat. Quod mihi tamen longe secus videtur, qui duorum initiorum factum unum, dubium & incertum esse alterum autumo. Falsum Livianum: ita enim sane appellemus; quanquam de eo Livius, ut mea fert opinio, ne cogitavit quidem, cum illa scriberet. *Multa blandimenta plebi per id tempus ab Senatu data. Annonæ in primis habita cura; & ad frumentum comparandum missi alii in volcos, alii Cumas.* (Nam quod legit Lipsius, *Æquos*, adulteriū procul dubio est.) Quid eum adduxerit, de largitione ut hic actum putaret, facile quivis conjectura assequatur. Nam & blandimentum vocatur à Livio annonæ cura; & in eorum, quæ largitiones proculdubio fuerunt, numerum refertur: talis leviori pretio publice dati, portorii quoque ac tributis plebis liberatæ, quæ Halicarnasæo etiam lib. V. δημοτικὰ populari-  
α, & φιλόθρονα πρὸς τοὺς πέντας  
beni-

benignè, atque humaniter populo præſtitavidentur. Veruntamen quæ contradici poſſint, non modo plura, ſed etiam graviora ſunt. Ut enim ſi omnes ad unam largitiones eſſe blandimenta quis velit, ei ego admodum non repugnarim: ita blandimenta omnia eſſe largitiones, neque ego, nec ſanus quiſquam dederit. Neque enim retro res com meat; cum duorum, quæ inter ſe comparantur, pateat alterium latius; hoc generis, illud formæ obtineat locum. Quam multi enim ſunt, qui verbis aut factis blandientes nihil largiantur? Qui vero aſtipulari Lipſio videtur Halicarn. is aperte adverſatur, cum largitiones ab annonæ cura, ſcriptione, temporibusq; diſcernit. Prodito enim plebem levatam eſſe tributis, ac vectigalibus, quanquam proprius ille erat de largitionibus agendi locus de annona tamen ne verbum quidem, niſi poſt interjectam bene longam, & multis verſibus explicatam rerum obſeſſa jam urbe geſtarum narrationem; ſatis ut  
indi-



indicer, neque hanc sibi largitionem videri, neque iis assentiri, pui proderent, missos antequam urbs obsideretur, in Volcos & Cumas, qui frumentum ad urbem convehendum curarent. Quamquam utrum ante, an post obsidionem sint missi, ad susceptam disputationem quod attinet, haud in magno equidem ponam discrimine. Livium sequamur: sint antea missi. Quid est? Vtrum ii tantum blandiuntur, qui populum donant frumento, an etiam qui annonæ habent curam? Sane hanc uberem ubique ples cupit: fame autem prope in furorem, rabiemque agitur. Ut enim ait apud Livium Scipio, *fames ultimum humanorum supplicium est.* Quod si quicunque annonæ habent curam, ut blandiantur plebi, largiri censendi sunt; dici vix poterit, quam multæ sint urbes, quæ nec opinato largiantur. Unæ olim è Græcis omnibus Athenæ, Venetiæ nunc ex Italicis frumento plurimo utuntur importato. Qui ex eo conficiat viguisse, aut vigere utro-

trobiq̃ue frumentarias largitiones, quis eum sibi audiendum putet? Non igitur si frumentaria procuratio suscepta Romæ est à Senatu, atq̃ue opera data, ut magna esset in urbe annonæ copia. continuo verum est, frumentum plebi, aut plane donatum, aut minoris, quam quanti erat, divisum. His bellum accedit, imminensq̃ue ab Etruscis urbi obsidio, quæ vel una patres, si quid scirent, ad habendam annonæ curam potuit adducere: ne plebs cum vastari agros, ardere tecta, omnia extra urbem ferri, agique urbem ipsam vexari videret, ad regum obsequium rediret fessa tot malis, quibus si fames accederet, ne dii quidem, ut est apud Livium, servare urbem possent. *Superantur enim, ut est apud eundem lib. V. humana omnia mala: famem unam natura vinci non sinit.* Quamobrem Fidenates quoque bello cum Romanis suscepto, ne obsidione cogi ad deditionem possent, frumentum non necessitati modo satis, sed copiarum quoque

*De frument. Roman. largit. 25*

que abunde convexerunt. Et Faliscis à Camillo obsessis terebatur tempus nostro inclinata spe, cum frumentum ex ante convector large suppeteret, ut Livius ipse cujus testimonio in re alioqui clara & aperta uti operæ est, ut controversus locus illustretur, prodit lib. IV. & V. Utrum igitur Fidenates quoque, & Faliscos, anne Romanos quidem esse largitos dicemus? Sed & mirari profiteor me prudentiam patrum, si in tantis angustis publicum frumentum ad ultimum inopiæ reservandum, stulta indulgentia, urbe nondum obsessa, populo diviserunt. Quod si quis missos dicat per id tempus, qui compararent, largitionem aliquantulum post esse factam: eum ego Livianis de eodem bello verbis confutabo. *Obsidie erat nihilominus, & frumenti cum summa caritate inopia.* Nam si frumentum publice est divisum, quæ inopia; si donatum, quæ esse caritas potuit? Quo consilio Senatus frumentum emensus, & largitus est, nisi ut inopiam & cari-

tatem leuaret? summa utraque fuit: largitio igitur nulla. Qui autem de hac fame quæ ab Halicarn. scripta sunt, legerit, non dubito, quin mihi assentiatur. Amplius CCC. hominum M. in urbe obsessa acri ætione fatigabantur: ante obsidionem frumenti haud ita multum erat conuectum, & breui absumptum: hostes circum tenebant omnia, & illatus ex agro Pomerino commeatus ad paucorum dierum usum vix eos fefellerat. Inunc, & largitionem factam crede, ubi ne erat quidem, quod largirentur. Unum adhuc si addidero ad alterum me initium convertam. Traditus ab antiquis usque ad Livij ætatem inter cetera solemnia mos mansit, bonis vendendis, bona Porſenæ regis vendendi: de cujus origine moris hæc Livius.

*Proximam vero est ex ijs, quæ traduntur, Porſenam discedentem ab Ianiculo, castra opulenta, conuecto ex propinquis atq; fertilibus Etruriæ arvis comme-*

*mea*

meatu ; Romanis dono dedisse ; inopitum urbe ab longinqua obsidione : ea deinde ne populo immisso diriperentur hostiliter, vœnisse, bonaq; Porsenæ appollata. Hanc ipsam auctorem Halicarnasseus historiarum suarum monumentis mandavit. Qui igitur hasta posita Porsenæ bona fortuito oblata , & populo R. donata subjecere præconis voci, eos putabimus, quæ ære sibi suo ac libra empta essent, donasse? Ad alterum jam initium veniamus, quod notasse videtur Plinius lib. XVIII. cap. III. his verbis. *M. Marcius ædilis pl. primum frumentum populo in modios assibus donavit.* Id mihi initium non tam falsum, quam dubium videri pronunciaui. Neque enim constat fuerit M. Marcius ædilis primus Romæ, necne fuerit. Si fuit, assentior Lipsio, atque hanc primam largitionem statuo : sin minus, negari non potest, Senatum hanc reliquis omnibus laudem præripuisse.

Nam

Nam altero ab *Ædilibus* creatis anno, gerentibus eum magistratum *Sicinio*, & *Bruto*, *Senatus* in summa annonæ caritate, & pecuniæ inopia frumentum levissimo pretio æstimatum populo divisit. Quod ut clarius sit, atque apertius operæpretium me facturum arbitror, si tempora, quæque his gesta sunt, proposuero, non ad corruptam, qua *Livius*, atque *Halicarnasseus*, sed ad integram, qua *Cicero* utitur, annorum computandorum rationem exacta, quæ magna etiam, ni fallor, hanc Romanæ historiæ partem luce perfunder. Anno igitur ab V. C. CCLIX. à regibus exactis, ut *Ciceronem* pro *Cornelio* sequutus, favente Deo, aliàs docebo, XV. *Verusius*, & *Virginias*, quo mense incertum, sed ut ex *Halicarnassei* lib. VI. intelligitur post Kal. Sept. consulatum inierunt.

Anno V. C. CCLX. à regibus exactis XVI. *Verusius* & *Virginius* continuarunt ad Kal. Sept.

Kalendis Septembribus *Cassius*,

&c

& Cominius, Coss. Halicarnasseus  
lib. VI.

Septembri extremo secessio plebis.  
Halic. lib. VII. initio: ut fallatur Li-  
vius, qui Cassium, & Cominium per  
secessionem plebis inisse tradit.

Decembri mense plebs in urbem re-  
diit.

IV. Idus Decembris Tribuni &  
Ædiles pl. primum creati. Tribuno-  
rum nomina extant, Ædiliū inter-  
cidere.

Anno V. C. CCLXI. à regibus ex-  
actis XVII. ad Kal. Sept. Cassius &  
Cominius Coss.

Kal. Sept. consulatum ineunt Ge-  
ganius, & Minucius. His consulibus  
Livius lib. II. & Halicarn. lib. VII.  
famem coepisse volunt ex incultis supe-  
riore autumno per secessionem ple-  
bis agris. Quamobrem consules pro-  
viderunt dimissis passim ad frumentum  
coemendum, non in Etruriam modo,  
Volscos, & Cumas, sed quæsitum in Si-  
cilia quoque Cumis naves retentæ: in

Volscos, & Cumas, sed quasitum in Sicilia quoque Cumis naves retentæ: in Volscis ne emi quidem potuit: legati in Siciliam missi vere insequenti, quam Attico more Halicarn: æstatem vocat, rediere magna frumenti vi advecta, quam partim emerant, partim à Gelone Syracusarum tyranno dono acceperant. Fames igitur continuat in annum insequentem. In hunc Marcij, si primus ædilis fuit, largitio incurrit.

IV. Idus Decembris Aediles Sicinius & Brutus. Icilius enim qui in Halicarn. historia Bruto jungitur, eo, qui sequitur anno ædilitatem gessit, Sicinio tribuno pl. II Anno V.C.CCLXII. à regibus exactis X.VIII. ad Kalen. Sepr. Coss. Geganius, & Minucius, quibus Coss. ut primum ver mare aperuit, rediisse legatos in Siciliam missos credere par est, nisi si quam patricij fraudem commiserunt. Agitatum igitur in Senatu, quanti frumentum plebi daretur. Erant, qui partim donan-



nandum, partim vendendum putarent,  
idque plebs expectabat. Sed Marcius  
Coriolanus tribunitiæ potestatis ho-  
stis acerrimus qui contra sentiebant,  
objurgando negavit laxandam anno-  
nam, cui Senatus frequens ambitione,  
atque avaritia corruptus assensus est.  
Quamobrem ei tribuni diem dixerunt.  
Plebs ira exarserat, neque erat obscu-  
rum suffragio ulturam dolorem suum.  
Patres igitur ut Marcium eriperent,  
seque ac potentiam suam factam rectâ  
adversus crescentem in dies plebis im-  
potentiam tuerentur, omni ope, atque  
opera enisi sunt. Inter cetera lenimen-  
ta factum est S. C. ut frumentum, & res  
omnes ad victum necessariæ tanti ef-  
sent, quanti minimi fuissent ante sedi-  
tionem. Auctores Livius lib. II. Hali-  
carn. lib. VII. Plutarchus in Coriola-  
no. Frumentum gratis ut darent in  
tanto discrimine à patribus impe-  
trari non potuit; nec de ea re plebs  
laboravit. Quin pecuniam acce-  
ptam pro frumento Siculo Cassij  
B 4 roga-

rogatione sibi retribui recusavit. Quade re Livius lib. II. in actis anni CCLXVI. hæc habet. *Cassius ut sibi reconciliaret civium animos, jubere pro Siculo frumento pecuniam acceptam retribui populo. Id vero baud secus, quam præsentem mercedem regi aspernata plebs.* Hæc satis docent, quanta morum postea facta sit labe: cum riuus hic tantis auctus sit tribunitiis largitionibus, ut earum molem ærarium vix ferret; & dissipato Reip. patrimonio pretium etiam levissimum ad ineundam a plebe gratiam remitteretur. Hanc igitur primam reperio certam, & minime dubiam in Romana historia frumenti largitionem. De Marciana quid statuiam, non habeo. Si primus Romæ ædilis Marcius fuit, anno ante superiorem facta est; & quidem nō multo post initam ædilitatem. Cum enim circa brumam inisset, æstate fame laboratum est. Sed Marcium primum hoc honore esse perfunctum, velim mihi certa aliqua, & bene firma ratione persuaderi.

Ut ut est, Plinii, quem recitavi, locus adeo emendatione non eget, ut si quis PRIMUS cum Lipsio legat, non PRIMUM, ut est in vulgatis codicibus, locum proculdubio corrumpat, quæcumq; tandem ejus sententia est, nam multæ esse possunt. Non constat, utri pretii ratio habeatur, ut hoc dicat Plinius à Marcio frumentum in modios assibus primum donatum; an magistratus, ita ut ante eum nemo ædilis dederit; an repetiti honoris, ut quemadmodum Sicinius iterum tribunatum, ita Marcius ædilitatem gesserit; an largitionis, ita ut prima hæc fuerit. Lipsius reliquas sententias dissimulat, probat postremam, atque ut sola videatur, emendat. Mihi prima iis, quæ proxime scripta erant à Plinio, ad quæ confirmanda Marci exemplo erat usus, magis consentanea & conveniens videtur. *His moribus non modo sufficiebant fruges, verum etiam annonæ vilitas incredibilis erat.* Fateor, qui sive pretium sive magistratum significari hic putet, nihil

interesse, utrum is PRIMUS an PRIMUM legat: sed fatendum illud quoque est, causam Lipsio, cur quidquam mutaret, non fuisse, ne si demus quidem eam esse, quam vult, loci hujus sententiam. Alioqui cum alij sexcenti, tum ille esset rescribendus è lib. XV. Cap. XXV. *Craſi ante victoriam Mithridaticam L. Luculli non fuere in Italia. Is primum invexit è Ponto.* Quid si Plinius *primum* dicere, quam *primus* maluit, ad ambiguitatem vitandam, ne quis forte Marcium primum ædilem plebis putaret? Sic igitur statuo, esse emendandi genus vetustis auctoribus in primis perpericiosum, quo tollitur verbū, cujus multæ esse notiones possunt, & supponitur alterum, cujus vis pertinet ad pauciora. Quod si id eo consilio fiat, ut unum tantum significet, ferendum non esse, ne si constet quidem, id ipsum scriptorem dicere. Sed nimis diu hæsi in his duabus largitionibus. Tertius L. Minucio Augurino deberi videtur locus, quem tradit

Livi.

Livius lib. IV. fame urbem premente præfectum annonæ extra ordinem creatum, in eo magistratu frumentum assibus in modios æstimatum plebi divisisse. Coemerat id frumentum Sp. Mælius privata pecunia ad largitiones faciendas, ut delinita hoc munere plebe, regnum, quod affectabat, facilius occuparet. Sed eo oppresso necdum maturis consilijs, una cum reliquis bonis fuerat publicatum. De eadem re Plinius lib. XIX. cap. III. *Minucius Augurinus, qui Sp. Mælium coarguerat, farris pretium trinis nundinis ad assen redexit. Quod ita accipio, ut L. Minucius frumentum Mælianum assibus in modios vœnale proponendo, adeo pretium ejus imminuerit, ut brevi tantidem in foro prostacket. Nec quemquam commovear, quod Plinius far dicit, Livius frumentum. Late enī patet frumenti nomen; triticum, milium, far, hordeum comprehenditur, uno verbo omnes fruges, quæ legumina non sunt; ut ex Theophrasto docet.*

Plinius lib. XVIII. Cap. VII. & potest  
 ex Livii, & Halicarnassei locis inter  
 se collatis intelligi: Quod enim scribit  
 Livius lib. II. anno ab V.C.CCLXIII.  
 ex Etruscis frumentum Tiberi venisse,  
 id aperte prodit Dionysius lib. VII.  
 fuisse milium & far: cum initio ejus li-  
 bri missos tradat legatos in Etruriam  
 εἶναι, ὅσον αὐτὸ δύνασθαι πλεῖστον ὀνησόμενους.  
*ad frumenti vim, quantam maximam*  
*possent, comparandam: & alibi eorum*  
*munus appellet σιταρίαν frumenti em-*  
*ptionem.* Ex quibus perspicui potest σίτου  
 nomine à Græcis, & frumenti à Lati-  
 nis non triticum modo sive πυρὸν, sed  
 multas præterea fruges, & inter eas  
 far significari. Id in tanto erat usu apud  
 Etruscos, ut magnam ejus vim suppe-  
 ditare vicinis possent. & Plinio teste  
 lib. XVIII. Cap. VII. *farre tantum è*  
*frumento, id est ex omnibus frumen-*  
*ti generibus trecentis annis usus Roma-*  
*nos Verrius tradidit.* Neque tamen fuisse  
 hoc Melianum proprie far certo affir-  
 marim: quippe qui sciam veteres seri-

pto.

ptores non raro triticum significare hoc nomine; poetas præsertim, quorū sunt illa de servorum dimensio.

*Quorum animas & farre suo custodit,  
& ære.*

& de libertis frumento donatis

*ut quisque Velina*

*Publius emeruit, scabrosum tesserula  
far*

*Possidet*

Quæ cum scripta sunt, frumentum proculdubio est distributum. Præterea incurrit Augurini largitio in annum V. C. CCCXIV. cum P. R. cœperat jam uti aliis frugibus. Veruntamen usos Romanos diutius fari constat ex ea largitione, quæ facta est M. Manlio, cum Gallos Capitolium occupantes dejecit. Livius in actis anni CCCLXV. *universi selibras farris, & quartarios vini ad ædes ejus, quæ in arce erant, contulerunt.* Auctor quoque de viris illustribus farre donatum prodit. Plutarchus in Camillo quid sibi voluerit, nescio, cum illa scriberet, si tamen ita scri-

scripsit: collata Malio a singulis οἶκου  
 μὲν ἡμίλιον ἐπιχωρίου, οὐλοῦ γὰρ κα-  
 λούται αὐτόν. οἶκου δὲ καλῶντος ἐκλωτικῆς  
 σίτατον, *frumenti selibram vernaculi*  
 (sic enim vocant) & *vinicotylæ Græ-*  
*canicæ quartarium*. Si enim ita scripsit,  
 notandum est, *frumenti vernaculi* no-  
 mine significari solitum far. Sin verba  
 illa mendosa sunt, videndum, ubi lateat  
 vitium. Ego rem malo in medio relin-  
 quere, quam temere quoquam pro-  
 gredi. Ulos autem Romanos, ut dice-  
 re cœperam, farre una cum alijs frugi-  
 bus post annum ab V. C. trecentesi-  
 mum docet iterum Livius lib. VII. in  
 actis anni CCCCXII. Nam militibus,  
 qui cum Decio in expeditione fue-  
 rant, *legiones libras farris, & sextarios*  
*vinicontulerunt*. Sequitur apud Plini-  
 um Trebij largitio, qui, ut superiores  
 populo frumentum assibus in modios  
 præstitit. Quanquam autem hujus lar-  
 gitionis obscura sunt tempora, cum  
 eam Livius prætereat, ut Marcianam,  
 & scripta Dionysij non tulerint æta-  
 tem,



tem, ordo tamen, quo commemoratur a Plinio, & pretij levitas faciūt, ut credam, hanc ante eas factam fuisse, de quibus mox dicam. Nam reliqui ædiles multo pluris in maxima annonæ vilitate frumentum populo admensi sunt cum summa gratia. Testis Livius lib. XXX. anno V. C. DL. *Magnam vim frumenti ex Hispania missam M. Valerius Falto, & M. Fabius Buteo ædiles curules quaternis aris vicatim populo descripserunt.* Cum tamen anno superiore, quo Mater Deum advecta Romanam fuerat, Plinio teste, Italia tantam frugum copiam tulisset, ut major ea æstate, quam antecedentibus annis decē fieret vilitas annonæ. Bieñio post, eodē Livio auctore lib. XXXI. L. *Valerius Flaccus, & L. Flamininus frumenti vim ingentem, quod ex Africa P. Scipio (ita malo legere, quā cum Lipsio, Proconsul) miserat, quaternis aris populo cum summa fide, & gratia dividerunt.* Anno tamen insequentī V. C. IOLIII. & rursus IOLVII. dimidio minoris,

id.

id est binis æris frumentum populo di-  
 visum est. Livius lib. XXXI. extremo.  
*Frumenti vim magnam ex Africa adue-*  
*ctam ædiles curules M. Claudius Mar-*  
*cellus, & Sex. Aurelius Pætus binis*  
*æris in modios populo diviserunt. & lib.*  
*XXXII. Ædiles curules M. Fulvius*  
*Nobilior, & L. Flaminius tritici decies*  
*centum millia binis æris populo divise-*  
*runt. Id C. Flamini honoris causa, ip-*  
*sius patrisq; advexerant Siculi Romam.*  
*Flaminius ejus gratiam communicave-*  
*rat cum collega. Aut aliquam superio-*  
*rem, aut aliam ejusmodi largitionem*  
*significat, ut opinor, Plutarchus in*  
*Catone Majore illis verbis, Μελλαν*  
*ποτὲ τῶν Ρωμαίων δῆμον ὀρμημένον ἐ-*  
*κείρως ἐπὶ σιτομετρίας, καὶ διανομῆς ἀπο-*  
*τρέπει. ἢ ζῆτο τῶν λογιστῶν χαλεπὸν*  
*μὲν εἶναι τὸ πολιταὶ πρὸς γαστέρα, ἀλλ' οὐ*  
*τῶντα οὐκ ἔχουσιν. Populum Romanum*  
*importune ad frumentarias largitiones*  
*ruentem ut averteret, ita exorsus est.*  
*Difficile est, Quirites, ad ventrem au-*  
*num expertem verba facere, Quamquam*  
 idem

idem Plutarchus ad aliud tempus atq;  
occasionem hoc ipsum Catonis dictum  
accommodare videtur in Apophtheg-  
matibus. κατωιό περισβύτερος ἐν ταῖς  
δῆμῳ τῆς ἀσφαλείας καὶ πολυτελείας καθά-  
πτόμενος ἵππεν. ὡς καλεῖσθαι εἰν ἀλγὴν  
πρὸς γαστέρα ὥτα μὴ χεῖρας. Cato major  
ad populum agens cum luxuriam & pro-  
fusus sumptus perstringeret, dixit. Quam  
difficile est verba facere ad ventrem, qui  
auribus caret. Fieri sane potest, ut hoc  
dictum semel & iterum vsurparit Ca-  
to; sed veri etiam simile est, eandem  
orationem utrobique à Plutarcho ef-  
se significatam. Nam luxus temperan-  
tia, immanis sumptus parcimonia ni-  
fuissent potiores, nihil erat, cur vel-  
lent frumentum sibi publice suppedi-  
tari. Fortasse igitur illud orationis ex-  
ordium fuit, hoc argumentum. At-  
que hæ sunt largitiones, quas invenio  
factas, antequam ullæ de eis ferrentur  
leges. Post eas latas observavi M. Se-  
jum ædilem curulem ad incundam à  
populo gratiam revocasse longo inter-  
vallo

vallo veterem annonæ vilitatem de suo. Cicero in II. de officiis. *Ne M. quidem Sejo visio datum est, quod in caritate annonæ asse modium populo dedit.* Hic ille est M. Sejus L. F. qui olei quoque denas libras, rem hoc ævo prope incredibilem, singulis assibus præstitit P. R. per totum annum, ut est apud Pliniū lib. XV. Cap. I. Incurrunt Sejanæ largitiones in annum V. C. IƆCLXXIX. qui Plinio est IƆCXXC. Neque vero Senatus modo aut Magistratus frumentum donarunt, verum etiam privati, præsertim testamento, ut suspicari licet ex Horatio lib. II. Satyra III.

*Hæredes Staber I summam incidere sepulcro.*

*Ni sic fecissent, gladiatorum dare centum.*

*Damnati populo paria, atque epulum arbitrio Arr I;*

*Frumenti, quantum metit Africa.*

Sed ut ad publicas largitiones redeam, non dubito, quin multæ fuerint omiffæ à Livio & Plinio, quarum memoria

ria si extaret, haud paullo essent hæ, quas recensuimus, clariores atque illustriores. Ex his tamen intelligere licet, curationem annonæ, ejusque populo distribuendæ munus ab Aedilibus plebis ad curules, esse translatum; pretium auctum, & imminutum pro frumenti copia; hoc distributum eo sæculo vicatim, ut oleum aliquando Livio teste lib. XXV. Frumentarias provincias fuisse per ea tempora Hispaniam, Africam, Siciliam. Postremus autem Livij locus e libro XXXIII. excitat nos ad quærendum, quamobrem cum Falto & Buteo, Placcus & Flamininus, Marcellus & Præ-tus, Nobilior & Flaminius paræ gloriam, & famam tulerint ex divisione frumenti, celebrentur Marcius & Treblius; collegæ autem utriusque nulla relata a scriptoribus gratia, nec nomen posteritati sit propagatum. An Marcij unius, vel Trebij cura fuit importatum frumentum, neque communicata ejus gratia cum collega? an hi largi-

largiti sunt collegis aut inconsultis, aut repugnantibus? An solis aut S. C. aut sortito obtigit munus dividendi? An ipsi id sunt assequuti, quod tanto post Cæsar, cum esset ædilis, Bibulo collega, Dionel lib. XXXVII. & Sueton. Cap. X. auctoribus, ut *communium impensarum solus gratiam caperet, nec dissimularet collega ejus M. Bibulus evenisse sibi, quod Polluci. Ut enim geminæ fratribus ædes in foro constituta, tantum Castoris vocaretur: ita suam Cæsarisq; munificentiam unius Cæsaris dici. Nihil habeo, quod affirmem. Vera enim causa, nisi res tota à scriptoribus maneat, quæcunque demum est, in obscuro est.*

*Leges de frumentaria largitione.*

*Caput II.*

**D**E arbitrariis largitionibus hætenus; jam de iis dicam, quæ sanctæ sunt legibus ad perpetuitatem. Quamquam his quoque modo fixis, modo refixis, largitiones una usque eo fluctuarunt, dum venit Resp. in  
unius

unius potestatem, qui gratuita annona bene emi imperium putaret. Hæ leges uno à plerisque omnibus nomine dici solent frumentariæ, à Cœllo epist. VI. libri VIII. inter Ciceronianas ad familiares, alimentariæ appellantur; ab Asconio in Pisonianam annonianæ, five, ut placet viris eruditissimis, annonariæ. Græci σιτικὸς νόμος, & frumentationem σιτημάτων appellant. Sed & alterum habent, ut reliquæ omnes, à latoribus nomen; qui plurimum fuere Tribuni plebis, aliquando Coss. semel autem longo intervallo factum est de ea re S. C. Primus de statuta perpetuæque frumentatione legem tulit C. Sempronius Gracchus anno V. C. DCXXX. in primo tribunatu. Plutarchus in Gracchis. τῶν νόμων, οὓς ἐσθότερ τῷ δήμῳ χαρίζομενος, ἢ σιτικὸς, ἐπέθηκεν τοῖς πλείοσι τὴν ἀγορὰν, Quas in populi gratiam leges promulgabat, earum una fuit frumentaria, quæ pauperibus frumenti pretium minuebatur.

*tux.* Quibus verbis & pretium aliquod publico frumento dictum significat, & lege prospectum turbæ solum pauperiorum, cuius gratiam lator aucupabatur. Alter locus una illa reminus similis loci superioris, quod pretium exponit, est in Epitome LX. C. *Gracchus trib. pl. perniciosas aliquas leges tulit inter quas frumentariam, ut semisse & triente frumentum plebi daretur.* Semisse & triente dicit, quod alij semissibus ac trientibus (tot enim modis veteres lequitos volunt) quod animadvertendum est diligenter, ne quem forte inducant, qui semis æris ac trientibus frumentum datum in modios affirmant: aut qui pretium fuisse tradunt senos æris trientes, id est binos asses, corrupta sequuti Pædiani exemplaria in Pisonianam: aut qui frumentum distributum putant plebi urbanæ modo semissibus, modo tressibus, duplici errore. Nam & ex uno duo faciunt pretia, & ex trientibus tresses, id est ex tertia assis parte tres asses;



ses; cum revera frumentum ne asse quidem *vān*ierit, sed semisse ac triente, idest dextante, seu majoris apertius, decem e duodecim assis partibus. Quid autem *caussæ* esse dicemus, cur veteres auctores semissis ac trientis nomina usurpare, quam dextantis maluerint, cum tamen idem una hac voce significetur, quod illis duabus? An hæc verba sunt ipsius legis? Sed tamen quid Graccho venit in mentem illa malle? Dicerem hæc repetita a veterum consuetudine, qui cum ære gravi uterentur, & XII. assis, vel, quod idem erat, libræ partes haberent, sex autem pondera; unciam, sextantem, quadrantem, trientem, semissem, ac libram, cum decem essent uncia expendendæ, semissem ac trientem conijciebant in lancem, ut citius negotium conficerent. Hoc inquam dicerem, si quæ assis partes certum pondus non habebant ac suum, eas reperirem eadem ratione a veteribus

veteribus expressas. Quando autem non reperiō, suspicor Gracchum respuisse partes assis minutiores, & lege frumenti pretium in modios non certam modo pecuniæ summam fuisse, verum etiam certum numi genus, semisses nimirum ac trientes, cum dextantes non cuderentur. De hac autem re lege cautum, vel ad levandum quæstorē molestia, vel ne permutanda pecunia tereretur tempus, vel alia de causa, quæ æque mihi est ignota, atque eæ, quas attuli, dubiæ & incertæ. De hoc igitur amplius quærendum. Illud est exploratum & constat inter omnes frumentum hac lege gratis datum non fuisse. Unus à reliquis dissentire Lipsio videtur Appianus, cū scribit Gracchū

3 *οὐκ ἔστιν ἐμμένειν ὀφείλει ἐκαστὸν τῶν δημοτῶν ἀπὸ τῶν κοινῶν χρημάτων Frumentum menstruum publica pecunia eoemptum virisim populo constituisse.* Mihi tamen venit in mentem suspicari, Appianum levissimi illius pretii eam habuisse rationem, quam habuit Plinius,

us,

us, cum proderet M, Marcium populo frumentum in modios assibus donasse; & Florus, cum Lib. III. Cap. XIII. inopem populum vixisse ait ex ærario suo. Tanta enim largitio fuit, ut frumentum donatum potius dici mereatur, quam venditum: & universa hæc jactura pertinebat ad ærarium, quod aut fraudabatur pecunia, quæ redigi potuisset ex frumento vendito, aut exinaniebatur tanta summa deprompta, quanta opus esset ad illud coemendum. Hinc illa apud Cicero-  
nem in Sextiana. *Frumentariam legem C. Gracchus ferebat, repugnabant boni, quod & ab industria plebem ad desidiam advocari putabant, & ærarium exhauriri videbatur.* Et in II. de Officiis. *C. Gracchi frumentaria magna largitio fuit; exhauriebat igitur ærarium.* Et Tuscul. II. *effudisse maximis largitionibus ærarium* dicitur. Quid est autem ærarium, nisi ipsa κοινὰ χρήματα Appiani? Extat apud Priscianum lib. VIII. Orationis C. Gracchi fragmen-

C

mentum, quo grammaticus ille ostendit, delargiri à veteribus patiendi significatione esse prolatum. Gracchi verba hæc sunt; *Aerarium delargitur P. R.* quæ verba si ex ea, qua rogationem hanc suavit, oratione fuerunt, fortasse ad ita scribendum non modo Appiano, sed Ciceroni etiam, & Floro Gracchus ipse ansam dedit. Nec debuit Lipsio mirum id videri, cui mirum non accidit, scripsisse eundem historicum frumentum datum *ἐκ τῆς πόλεως δημοτῶν plebejo cuique*, & Senecam lib. IV. de beneficijs cap. XXVII. Frumentum accepisse omnes, quicunque cives essent; cum tamen non omnes, Lipsio iudice acciperent. Ut igitur in multitudine Senecam, & alios; sic in publico sumptu eos, quos dixi, Appianus habuit auctores. Ut accepisse omnes dicuntur; quia plurimi acceperunt: ita largitio facta *ἀπὸ τῆς κοινῆς χρημᾶτος publico sumptu*, quia tota fere impensa fuit publica. Semproniam legem anno V.C.  
-110-  
DCXXXII.

DCXXXII. triennio post quam lata<sup>4</sup> erat, Graccho interfecto, omnino autem multo ante conuulsam à Sylla tribunitiam potestatem, abrogatam fuisse certum est. Tres enim de eadem re promulgatæ sunt leges ante Syllanam dominationem, una etiam perlata. Primæ auctor ignoratur: sed promulgatam C. Mario trib. pleb. accepimus. Is tribunatum iniiit anno V. C. DCXXXIII. continuauit in annum DCXXXIV. auctor Plut. in ejus vita. νόμου γὰρ εἰσφερομένου περὶ σίτου διανομῆς τοῖς πολίταις, ἵναν ἰσότης ἐρ' ὠμενέσεται, καὶ κραλίσας &c. *Rogatione promulgata de frumento ciuibus diuidendo cum uehementissime intercessisset, peruicissetq; ne ferretur.* Hoc, ut alia non Pauca digna cognitu, in Livianis Epitomis prætermissum est. Scriptum autem fuisse puto lib. LXII. Altera lex fuit Appuleja, quam ferre conatus est L. Appulejus Saturninus anno V. C. DCLIII. aut circiter, quæ

quo minus ferretur, impedimento fuit Cæpio quæstor urbanus, qui Senatum antea docuerat ærarium pati non posse tantam largitionem, ut est apud auctorem Rhet: ad Heren. lib. I. cui si hoc tantum nomine fides abrogatur, quod hoc solus prodiderit memoriæ, lex sancitur in veteres scriptores iniqua, & parum grati, ut libere dicam, adversus eos sumus. Sane & constat scriptorem illum haurire solitum exempla ex historiis, & illi non leviter suffragatur Florus, qui lib. III. cap. XVI. testatum reliquit, Saturninum Gracchanas leges asseruisse: & iterum, rogandis Gracchorum legibus vehementer incubuisse. Ut appareat non modo Sempronias leges jam tum fuisse abrogatas, verum etiam ceteras una cum frumentaria Saturninum referre conatum. Sed incubuit, opinor, præcipue in frumentariam, ut ignominiam deleteret, qua fuerat affectus à Senatu, cum in annonæ caritatē quæstor Ostiensis à sua frumentaria procuratone

tione amotus est, ei que rei M. Scaurus præfectus, ut Cicero tradit in orationibus pro Sextio, & de haruspicum responsis, in quibus affirmat, hujus ignominie dolore Saturninum factum esse popularem. Tertia lex frumentaria ante Syllana tempora fuit Livia, cujus auctor M. Livius Drusus tribunatu suscepto pro auctoritate Senatus, ut plebem adduceret in partes Optimatum, anno V. C. DCLXII. Semproniam largitionem revocavit. Sed per vim lata, jussa que lex, Druso eodem anno domi interfecto, abrogata est à Philippo, quem consulem legi repugnantem tribunitius viator faucibus apprehensum non ante dimiserat, quam sanguis in ora, atque oculos redundaret. Florus Epit. LXXI. ubi differtelatam legem tradit, & lib. III. cap. XVII. Asconius in Cornelianam. A Drusi morte sociale bellum statim exarsit, id excepit civile, imo multa civilia, quæ tam exercitum habuere P. R. ut ne injecta quidem à tri-

banis fuerit mentio ullius largitionis. Ut autem rebus compositis injici non posset, fecit Sylla, qui cum invalisset Remp. tribunitiæ potestatis, adempto inter cetera omni jure legum ferendarum, nervos elisit. Eo consilio turbarum ac seditionum extinctæ sunt faces, quæ tamen eo mortuo statim revivere, cum plebs niti cœpit, ut tribunitia potestas in integrum restitueretur. Res fuit per multos annos magnis contentionibus frustra jactata consulibus strenue tuentibus S.C. quo acta Syllæ confirmabantur, contra plebe summa vi pugnante, ne spoliata præsidio tribunitio potentum libidini esset exposita. Legatur de his turbis Marcii sive Macri sive M. Lepidi trib. pl. concio apud Salustium in libri III. historiarum fragmentis. Obiit Sylla anno V. C. DCLXXV. Est obviam itum omnibus plebis conatibus usque ad annum DCLXXX. quo anno tanto impetu coorta est plebs in patres, ut sustineri amplius

non



non posset. Quare Coss. ejus anni C. Cassius, & M. Terentius Lucullus, ut plebem delinirent, & ad rem integram in adventum Pompeji rejiciendam, si qua possent, adducerent (is tum in Hispania bellū gerebat cū Sertorio) Frumentariā legē tulere, quo blandimento delinita plebs quietē egit usq; ad annū DCLXXXIII. cum Cn: Pompejus & M. Crassus Coss. tribunitiam potestatem in integrum restituerunt. Legem hanc à latoribus veteres Terentiam & Cassiam vocant, Cicero altero contentus nomine Terentiam dixit lib. III. in Verrem. De hac insignis in ea, quam dixi Marcii concione apud Salustium est locus. *Nisi forte, inquit, repentina ista frumentaria lege munia vestra pensantur, qua tamen quinque modis libertatem omnium aestimavere, qui profecto non amplius prosunt alimentis carceris. Namque, ut illis, exiguitate mors prohibetur, senescunt vires: sic neq; absolvi cura famulari tam parva res potest, & i-*

gnatus quifq; tenuiffima fpe fruſtra-  
tur. Eſſe autem legem, qua de  
hic agit Marcius, non Roſciam,  
ut aliis placuiſſe video, ſed Teren-  
tiam & Caſſiam apparet non ſo-  
lum ex eo, quod nullius extra hanc  
legis frumentariæ eo anno latæ men-  
tio fit à veteribus ſcriptoribus, ſed et-  
iam quod Marcius, quo anno perlata  
lex Terentia eſt, eo ipſo anno tribu-  
natum plebis gessiſſet. Porro eam legem  
frumentariam fuiſſe, intelligimus  
ex Cicerone lib. in Verrem III. *Fru-  
mentum emere in Sicilia debuit Verres ex  
S. C. & ex lege Terentia frumentaria.  
Emundi duo genera fuerunt. Unum cer-  
tarum decumarum; alterum, quod præ-  
terea civitatibus æqualiter eſſet diſtri-  
butum. Illius decumani tantum, quan-  
tum ex primis decumis fuiſſet; huius  
imperati, tritici modium IƆCCC. M.  
Quæ ita accipio, ut S. C. indiſtæ ſint  
alteræ decumæ, lege verò Terentia &  
Caſſia præterea imperata octingenta  
modium millia, & æqualiter diſtributa  
civi-*

civitatibus, ut par omnium esset onus,  
& frumenti copia ad largiendum sup-  
peteret. Quamobrem viris doctis af-  
firmantibus legem hanc fuisse de fru-  
mento ex sola Sicilia exportando, at-  
que ob eam causam privilegium ap-  
pellantibus, tantum adest, ut assentiar,  
ut mihi etiam persuadeam, unum mo-  
do caput id fuisse hujus legis, qua ipsa  
cautum esset, qui frumenti numerus in  
aliis provinciis, & quanti esset emen-  
dus. Sane enim emptum oportuit;  
cum siculum tribus circiter mensibus  
fuerit absumptum, ut ostendam cap. X.  
Nisi forte pars decumani distributa  
est, qua de re nihil habeo dicere. Ne  
dubitet igitur cum Lipsio quisquam, 5  
quin hæc lex sit per lata; id quærat  
potius quod est adhuc obscurum, an  
fuerit temporaria, ut mihi videri so-  
let. Si enim ad rem in Cn: Pompeji  
adventum differendam, atque extra-  
hendam comparatum est hoc remedi-  
um, eo jam reverso, restitutisque in in-  
tegrum tribunis fuit supervacaneum,  
C 5 . atque

atque ideo fortasse non adhibitum. Sed & cum plebi & patribus male conveniret, veri admodum simile est, quod illa extorserat, hos cum primum licuit, largiendi finem fecisse. Legem Terentiam post aliquot annos sequutum est S. C. factum in Catonis sententiam; de quo antequam scribere aggredior, dabunt mihi veniam, qui amant Græcas litteras, ut Salustii locum, quem supra attuli in medium, conferam cum loco Demosthenis ex Olynthiaca. III. unde procaldubio haustus est. Ibi enim summus orator *δωρίδα χρήματα*. id est eas pecunias, quæ domi ex æratio civibus erogabantur, verbo, ut ab iis, qui spectaturi venirent in theatrum, exigenterentur (neque enim, erant loca gratuita). reipla autem, ut iis quisque uteretur arbitrato suo: eas igitur pecunias cibis iis ait esse persimiles, qui agris a medico ministrari solent. Ut enim hi nec robur addunt invalido corpori,

nec

nec emori sinunt: sic illas pecunias nec  
 sufficere ad vitam tolerandā, & segni-  
 tici atq; inertiae segetē esse. ἴσας δὲ τῶν  
 τοσούτων λημμάτων ἀπαλλαγείητε, & τοῖς  
 ἀδικοῦσι παρὰ τῶν ἰαλῶν σιλοῖς δίδομέ-  
 νοις ἔοικε. Καί γαρ ὅτε ἰσχὺν ἐκείνα ἐνέδη-  
 σιν, οὐτε ἀποθνήσκειν ἔα καὶ ταῦτα, ἀνέμε-  
 δετὸν ὑμῖς, οὐτε τοσαῦτά ἐσιν, ὥστε ὠφέ-  
 λειαν ἔχειν τιτὰ διαρκῆ, οὔτε ἀπογονότας  
 ἄλλοτε πρότερον ἔα. ἀλλ' ἐστὶ ταῦτα τὴν ἐ-  
 κάστου ῥαθυμίας ὑμῶν ἐπαυξάνοντα. For-  
 tasse huiusmodi lucra missa fecissetis, quæ  
 cibos referunt a medico ægris præscriptos.  
 Neq; enim illi validos reddunt, neq;  
 mortem obire sinunt. Hæc item, quæ  
 nunc vobis distribuuntur, neq; tanta  
 sunt, satis ut prosint, neque aliud  
 agere hac spe abjecta sinunt. Quin uni-  
 uscujusque vestrum ignaviam auctum  
 eunt. Ceterum Salustius in loco  
 transferendo ne hæreret omnino in  
 Demosthenis vestigiis, ut in Lepidi  
 consulis oratione in Syllam, quæ  
 est inter fragmenta libri primi, servi-  
 lia alimenta hæc appellarat, ita hic

uti maluit similitudine alimentorum  
 carceris, quæ non minus essent exigua  
 ac tenuia, quam ea, quæ medici, ut di-  
 cebat Demosthenes, ægris præscribe-  
 rent. Talem cibum Alunio Gallo Ti-  
 berij jussu in publica custodia retento,  
 nulla habita dignitatis ejus ratione,  
 ministratum fuisse Dio tradit lib.  
 LII X. erat enim ejus τροφή τοιαύτη  
 καὶ τοσαύτη, ὥστε μήτε τινα ἰσχυρὸν καὶ  
 ῥώμην αὐτῷ παρασχέιν, μήτε ἀπο-  
 θνήσκειν αὐτὸν εἶναι. *cibus talis ac tan-  
 tus, ut voluptatem aut robur afferret  
 nullum, mori autem prohiberet.* Qui-  
 bus verbis cum Græci oratoris, tum  
 Latini historici ita est expressa senten-  
 tia, ut de industria id factum videri  
 possit, aut saltem casus industriam imi-  
 tatus. Ut ut est, mirum in modum his  
 confirmatur eorum sententia, qui lo-  
 cum hunc Salustianum ita legendum  
 putant, ut eum nos describendum cu-  
 ravimus. In quo sequenti etiam sumus  
 aliqua ex parte impressorum ante hos  
 CXXX. plus minus annos codicum  
 fidem,

fidem, in quibus ita est. Nisi forte repentina ista frumentaria legemunia vestra pensantur, quæ tamen, quibus modis libertatem omnium æstimare, qui profectio non amplius possunt alimentis carere. Namq; ut illis exiguitate mors prohibetur, senescunt vires: sic neq; absolvicula familiari tam parva res, & ignavi quisq; tenuissimas perfrustratur. Quæ in his bene habent, in recentius impressis codicibus depravata reperias ad hunc modum. Cum tamen quibus modis libertatem omnium æstimare. Ex reliquis, ut sunt à me interpuncta & restituta, hæc eruitur neque absurda, neque obscura sententia. Ut eorum, quæ in publica custodia retentis ministrari solent, alimentorum exiguitate, ita hæc quinque non amplius modiorum largitione nihil aliud quam mors prohibetur; cum tam parvus frumenti modus neminem liberet cura rei familiaris: nihil aliud quam senescunt vires, cum ignavus quisque (ita lego. puto enim inflexam virgu-

virgulam, qua us significatur, librario litteram visam esse) tenuissima spe frustretur. Neque hæc solum translata sunt a Demosthene in eam concionem, sed alia non pauca; præcipue autem quæ superioribus verbis statim subjiciuntur. Quæ tamen quamvis ampla; quoniam servitii pretium ostentaretur, cujus torpedinis eras decipi, & vestrarum rerum ultro injuria gratiam debere? Item illa de paucorum dominatione sub concionis initium. Qui per militare nomen ærarium, exercitus, regna, provincias occupavere, & arcem habent ex spoliis vestris: cum interim more pecudum vos multitudo singulis habendos fruendosque præbetis, exuti omnibus, quæ majores reliquere. Quæ partim expressa sunt, partim adumbrata ex uno ejusdem orationis loco κύριοι μιν τῶν ἀγαθῶν οἱ πολλοὶ τῶν ὑμῶν, καὶ διὰ τοῦτον ἀπο πάντα ἀρᾶν ἔχουσιν. ὑμεῖς δὲ ὁ δῆμος ἐκνευρόμενοι, καὶ περιηρημένοι χρεῖματα; συμμάχους ἐπὶ



ὑπηρετόν καὶ προδήκεις μέρει γεγνησθε<sup>ν</sup>  
 καὶ τὸ πάντων ἀναιδρεϊότατον τῶν  
 ὑμετέρων. αὐτῶν χάριν προσοφείλετε.  
*Bona omnia in eorum, qui rempub-  
 licam administrant, sunt manum, &  
 per hos omnia geruntur. Vos autem  
 populus enervati & spoliati pecuniis,  
 sociis, in famuli & accessionis loca  
 estis; quodq; omnem ignaviam supe-  
 rat, eorum ipsorum, quæ vestra sunt,  
 gratiam insuper debetis. Quæ postre-  
 ma verba adduxerunt me aliquando  
 ad suspicandum, legi posse apud Sa-  
 lustium vestrarum rerum ultra injuri-  
 am gratiam debere, ut expressa sit  
 vis verbi προσοφείλειν, id est non so-  
 lum injuria non commoveri, sed  
 gratiam præterea debere. Verum-  
 tamen nihil muto. Jam ad S. C. re-  
 deamus factum in Catonis sententiam  
 anno V. C. DCXCI. Cum enim me-  
 tuerent Patres C. Cæsarem, quem in  
 prætura studere videbant rebus novis,  
 & plebem sollicitare, iverunt frequen-  
 tes in Catonis sententiam suadentis,  
 ut*

ut quando superioribus annis Resp.  
magnum ex frumentaria largitione  
ceperat fructum, collatis repente hoc  
remedio in tranquillum omnibus tur-  
bis, ea denuo Cæsaris conatibus obvi-  
am irent, occupatosque animos pau-  
periorum hoc munere sibi concilia-  
rent. Quo facto Cæsaris spes in ventos  
abiere, nec moliri quidquam ausus est.  
Plutarchus id prodit in Catone his  
verbis. ὁ κἀταν ἔπεισε τὴν βουλὴν ἐνα-  
λαβεῖν τὸν ἀπόρον καὶ ἀνέμητον ὄχλον εἰς  
τὸ σιτηρέσιον. ἀναλώματος μὲν ὄντος ἐνι-  
αυτοῦ χιλίων καὶ διακοστίων, καὶ πρῆτ-  
κοντα ταλάντων. περιφανῶς δὲ τῇ φι-  
λανθρωπίᾳ ταύτῃ καὶ χάριτι τῆς ἀπει-  
λῆς ἐκείνης διαλυθείσης &c. Cato persua-  
sit Senatui, ut pauperum turbæ largitio-  
nis experti. (Nam Lipsium non audio  
ἀνέμητον infinitum vertentem) denuo  
frumentum daret. Annuus sumptus e-  
rat ille quidem talentum. MDL. Sed  
hac humanitate & beneficio minis illis  
aperte discussis &c. Idem in Cæsaris  
vita. καὶ τὸν φοβηθεὶς μάστιγα τὸν ἐκ τῶν  
ἐπώ-

ἀπόρων νειώσεσιν, οἱ τοῦ παλὸς ὑπέκ-  
 καυμα πλῆθους ἦσαν ἐν τῷ Καίσαρι ἰδὲ  
 ἰλιπιδας ἐχούτες, ἔπεισε τὴν σύγκλητον  
 ἀπονεῖμαι σιτηρόσιον ἀυτοῖς ἑμμηνον. ἐξ οὗ  
 θαλάσσης μὲν ἑπτακόσιναι πέντε κόνια μο-  
 ριάδες προσεγίνοντο τοῖς ἄλλοις ἀναλα-  
 μασιν. τὸν μῆλοι μέγα ἐν τῷ παρόντι  
 φόβος ἔσβεισεν περιφανῶς ὁ πολέμιος  
 Ἄνιος, καὶ ὁ πλείστον ἀπὲρ ῥῆξεν τῆς καί-  
 σαρος δυνάμεως. *Cato metuens maiorem*  
*in modum, ne tenuis ac jejuna plebecula,*  
*quæ collocata in Cæsare spe, reliquæ*  
*multitudini subdebat faces, quid molire-*  
*tur novi; persuasit Senatui, ut mensu-*  
*rum illi frumentum distribueret. Quæ ac-*  
*cessio fuit septingentarum quinquaginta*  
*myriadum (sive sestertium trecenties) ad*  
*reliquos sumptus. Eo consilio magnus,*  
*qui tum omnes invaserat, metus aperte*  
*sublatus est, plurimumq; de Cæsaris po-*  
*tentia detractum. In his duobus locis*  
*tria sunt maxime digna, quæ animad-*  
*vertantur. Primum pecuniæ vis effu-*  
*sa quotannis in has largitiones, quæ*  
*sunt DCCL. aureorum Millia. Sin-*  
*gulæ*

gulæ enim Græcorum myriades mille aureis nostris scutatis respondent. Deinde Catonem fuisse auctorem Senatui τῶ ἀναλαβεῖν τὸν ἀπορον κατ' ἀγμῶν ὄχλον εἰς τὰ σιτηρέσιον. Non enim hoc dicit, fuisse per ea tempora ὄχλον (ut ita dicam) νεμλόν, id est multitudinem, quæ frumentum de publica acciperet: suasu autem Catonis turbæ etiam egenorum, qui erant ἀνέμητοι, & largitionis hujus expertes datum. Potest enim hæc quoque sententiâ exprimi ex illis verbis. Sed negat fuisse tunc ullam in Republica frumentariam largitionem. Id vult intelligi ex eo, quod sumptum in eam factum non iis impensis accessisse dicit, quæ antea fierent in frumentum, quibus cum si nulla fuisset largitio, conferendus erat; sed τοῖς ἄλλοις ἀναλαμβάνειν, id est reliquis sumptibus, qui necessario fiebant in Republica. Sed & in verbo ἀναλαβεῖν intermissæ ac repetitæ rei significatio est. Postremo notandum utrobique verbum λαμβάνειν, quod

*De frument. Roman. largit.* 67

quod Græcis interdum *suadere*, sæpius  
tamen *persuadere* significat: notanda  
verba, quibus clauditur uterque locus,  
quod iis quasi testibus omni exceptio-  
ne majoribus probetur, non modo ac-  
tum esse in Senatu de frumento di-  
stribuendo, verum etiam re ipsa fuisse  
distributum. Quod si quis est, cui hoc  
videatur obscurum, quamquam reapse  
clarissimum est; nullas profecto in his  
Plutarchi verbis, quæ in civilibus mo-  
nitis leguntur, tenebras offendet.

Κατὰ τὸν δῆμον ὑπὸ καίσαρος ἱστῶν ἐν τοῖς περὶ  
Κατιλίαν διαταραχόμενον, καὶ περὶ μεταβολῆς τῆς  
πολιτείας ὑποφθαλμῶς ἔχοντα, συνέπεισι τὴν βουλὴν  
ὑποσάδαι ταμίταις τοῖς πύργοις, καὶ τοῦτο δοῦν  
ἵσχυσι τοῖς δέσποιν, καὶ κατέσταντο τὴν ἱπανάστασιν.  
id est, Cato Catilinarie conjurationis  
temporibus cum videret esse periculum,  
ne plebs à Cæsare sollicitata ad mutandā  
Reip. formam prolaberetur, persuasit Pa-  
tribus, ut S. C. fieret de frumento tenuio-  
ribus distribuendo. Idque distributum o-  
mnem sedavit tumultum, & seditio-  
nem repressit. Illud minus liquet, quod  
est vel præcipuum, fueritne hæc lex  
diuturna, & rata usque ad Clodiam.

Non

Non fuisse diuturnam, sed annuam  
fuspiciari quis posset, eo quod prætor  
Cæsare imminebat Reip. periculum;  
ne se plebi rerum novarum avidæ in-  
tanta potestate seditionis ducem præ-  
beret. At ex prætura ulteriorem Hispa-  
niam sortitus, neque more, neque ju-  
re, antequam provinciæ ordinaren-  
tur, profectus est, ut prodit Sæcto-  
nius Cap. XII X. ita ut in urbe tur-  
bare absens nihil potuerit eo anno,  
& magna insequentis parte, quæ in  
reditu ad urbem consumpta est. Con-  
tra diuturnam legem hanc fuisse indi-  
care videtur Plutarchus, qui sumptum  
scribit fuisse *ἐν αὐτοῖς ἡμερῶν ἀννιβερίον*,  
& factum, ut ipsemet interpretatur,  
*ἐν αὐτοῖς ἡμερῶν ὅσους ἀννῶν*. Et fuit sane Romanæ  
prudentiæ prospicere, quantas ille tur-  
bas esset daturus, qui prætura turbu-  
lentissime gesta, in provinciam ad  
eum, quem dixi, modum esset profe-  
ctus; & largitione plebis animos o-  
ptimatibus devinctos tenere. Sed &  
Cicero productam esse usque ad leges  
Clo-

Clodias hanc largitionem significare videtur ad Atticum II. epist. XLIX. ubi narrat, ludis Apollinaribus Curioni filio in theatrum venienti cum ita plausum esset, ut salva Rep. tulisse id Cæsarem graviter, & fuisse, qui ob eam causam Rosciæ legi, etiam frumentariæ minitarentur. Etsi hunc locum qui expendere diligentius, is non facile statuet, utrum de lata jam lege, an de ferenda hæc Cicero scripserit. Quod si latam significat, utrum ea sit, de qua disputamus, an alia quæpiam. Me quidem ancipites in diversum trahunt conjecturæ. De lata jam lege loqui Ciceronem, suadet Roscia, quæ frumentariæ jungitur, & perlata est ante aliquot annos, quam hæc scriberentur. Esse autem eam legem frumentariam idipsum, quo de agimus, S. C. ut suspicer, facit mirum scriptorum omnium, quod quidem hæcenus animadverterim, de lege frumentaria inter hanc & Clodias interjecta, silentium. Facit breve spatium temporis,  
inter

inter has elapsum, quod triennium non amplius fuit. Facit desultoria, ut ita dicam, Senatus levitas; si quod populo dedit, mox eripuit, ut non multo post redderetur. Nam S. C. quin legum nomine interdum veniant, negari non potest. Aliæ rursus ad aliam legem ante Clodias latam ducunt conjecturæ. Quis enim minus proprie hic accipi legis nomen præstare audeat? Nec si nullius præter hanc legis mentio reliqua est, potest continuo confici nullam fuisse. Multa enim sunt ab iis, qui ad nos pervenerunt, scriptoribus præterita, & quædam adhuc in tenebris delitescunt. Ut igitur neque Plutarchus, neque alii prodiderint, Cæsare consulatus candidato, & nihil in summo magistratu non ausuro latam denuo frumentariam legem; tamen sæpius expertam, & prope solennem plebis deliniendæ rationem in tanto discrimine esse neglectam credi vix potest. Cum præsertim Cæsarem consulatum petentem numaria etiam



etiam largitione legibus vetita opti-  
mates sibi oppugnandum putarint; ne  
*Catone quidem abnuente eam largitio-  
nem è Repub. fieri*, ut est apud Suetoni-  
um Cap. XIX. Ad extremum, ut Cice-  
rō ait, *nemo doctus unquam mutacionem  
consilii inconstantiam dixit esse*. Non  
modo autem de jam lata lege, verum  
etiam de ferenda hæc accipi possunt:  
ea scilicet, quam P. Clodius auram po-  
pulari è captans, & studiū plebis in tri-  
bunatu sibi mandādo jactaret; quā Cæ-  
sar's amici negarent se ferri passuros.  
Quamquā enim scripta est hæc episto-  
la Cæsare ipso & Bibulo Coss: post lu-  
dos Apollinares, qui ex vetere Kalēda-  
rio fiebāt pridie Nonas Julias, & Clo-  
dius eo tempore nondū erat tribunus  
pl. creatus, comitiis dilatis à Bibulo in  
mensē Octobrē, ut est in XXI. ejusdē  
libri: is tamen Cerealibus Aprili mense  
jā se tribunatus candidatum professus  
erat, ut ex epist. VIII. intelligitur. Quā-  
obrem fieri potest, ut Cæsaris amici,  
aut Clodiū se de sententia deducturos,  
aut

aut tribunum inventuros, qui intercederet, minitarentur. Quæ igitur ambiguum rem faciunt, hæc sunt. Neque tamen dissimulabo, quæ pro S. C. rationes afferuntur, eas mihi firmiores videri. Quibus accedit, quod dubitari non poterat, quin Cæsar brevi consulatum peteret. Quamobrem patribus faciendum fuit, ut bene cœptam largitionem perseverando, illi aut ad magistratum, aut ad res novas in eo moliendas præcluderent viam. Cujus autem stultitiæ fuisset Cæsaris amicos id se populo erepturos minari, quod in populi ipsius manu & suffragio situm esset? Tandem leges Clodii utrum fuerint eo tempore jactatæ, an non fuerint, obscurum est. Leges Clodias appello, non legem. Duas enim fuisse reperio frumentarias eodem anno latas, non unam, ut plerisque omnibus hætenus persuasum fuit. Nisi me forte Dio fallit, apud quem lib. XXXIIX. in actis anni DCXCVI. hæc leguntur. *ὁ αὖ Κλοδίας τὸν εἴλον*  
*ἔργον*

ἀποδοῖα αὐτοῖς διένειμε. τὸ γὰρ μετρίσθαι  
 τοῖς ἀποδοῖς τοῦτε Γαουτίου ἤδη, καὶ τοῦ  
 Πίσωνος ὑπαίου κόλωνα ἐσηγῆσθαι. *Clodius*  
*igitur frumentum denuo gratis divisit.*  
*Tulerat enim ad populum, ut daretur*  
*pauperibus, cum primum Gabinus &*  
*Piso consulatum iniecerant.* αὐτοῖς δicit,  
 rursus legem posteriorem significans,  
 quæ lata est de publico frumento,  
 quod lege Sempronia semisse ac tri-  
 entibus ad eam diem datum erat, gra-  
 tis dando. Non enim suasu Catonis  
 plane donatum erat; id quod suspica-  
 tus est Lipsius in Admirandis. Atque  
 haud scio, an hoc illi Dionis verbum,  
 quo ego errorem convelli puto; ad  
 errandum ansam præbuerit. Neque  
 enim ipse aperit, qua nitatur conjectu-  
 ra: & apud alios scriptores frumenti  
 à patribus gratis dati nec vola, ut a-  
 junt, nec vestigium est. Dedit iterum  
 Clodius gratis ex Dione, ante igitur  
 gratis datum erat. Falsum est. Cur  
 enim Plutarchus impensarum men-  
 tionem facit? Cur lege Clodia prio-

regratis datum non est? Cur remissos à Clodio, non à patribus semisses ac trientes quæritur Cicero? certè illi præiussent, quod hic sequeretur. Clodia lex prior, si usque ad eam ratum fuit S. C. aut de perpetua frumentatione, aut de maiore pauperum numero ad eam admittendo, aut de utroque; si ratum non fuit, insuper de revocanda largitione lata est. Utraque lex in annum incurrit V. C. DCXC V. ex fastis Capitolinis, ex Dione autem in annum DCXCVI. Gabinio & Pisonè Coss: qui Cæsari & Bibulo successerunt. Invenit scilicet Clodius lege posteriore, quid largiretur. Quamquam M. Livius, cum leges suas ferret, atque inter eas frumentariam, jactare solitus fuerit, Floro teste, *nihil se ad largitionem ulli reliquisse, nisi si quis aut cæcis dividere vellet, aut cælum.* Restabat effundenda largitionibus quinta prope pars vectigalium, quam Cicero in Sextiana amissam affirmat hac lege. De publica hac jactura quæram alias  
 oppor-

opportuniſſus, atque accuratiſſus: nunc ſatis ſit intelligere eo maiorem fuiſſe, quod vixit hæc lex omnium diutiſſime. Cum enim reliquæ ad breve ſpatium temporis fuerint ratæ, hæc ad tria ſæcula fixa & firma nomen ſolum amiſit. Cauſſa diuturnitatis fuit ambitio mater civilium bellorum, quæ ſunt extincta funere & clade Reip. Dum nemo parem fert, nedum priorem, atque ob eam cauſſam ſerviunt omnes plebi miſeris modis, & populi gratiam Reip. incommodis aucupantur, non auſus eſt quiſquam verbum unum facere de Clodia lege abroganda.

*De frumentariis Principum largitionibus. Cap. III.*

**V**ERUM ad legis Clodiæ diuturnitatem nihil valuit æque ac Reip. redacta in unius poteltatem. Cæſar enim rerum potitus animadverſo, quantum eſſet momentum in hac largitione ad plebis animos ſibi

conciliandos , largiri perseveravit, frustra suadente Salustio, ut provideret, uti plebs publico frumento corrupta haberet negotia sua; & frumentum id, quod antea præmium ignaviæ fuerat , per municipia & colonias militibus daretur , cum stipendiis emeritis domos revertissent. Quin tantum abfuit, ut audiret Salustium; ut præter congiaria , quæ actis uno mense quatuor triumphis P. R. dedit , frumenti etiam de pos modios viritim donarit. Sueton. Cap. XXXIIX. *Populo frumenti denos modios, ac totidem olei libras viritim divisit.* Dio lib. XLIII. *οἷον ἐξω τοῦ τεταγμένου, καὶ ἑλαιοῦ παρσέδοκεν αὐτῷ (τῷ δήμῳ) frumentum insuper extra ordinem atque oleum ipsi (populo) dedit.* Ubi hanc largitionem aperte extraordinariam fuisse testatur. Quod facit, ut mirer Lipsium conjecisse ordinariam quoque fuisse modium denum. Quamquam autem in eorum, qui largiebantur , potestate erat iis largiri , quibus collibitum esset;

Cæsar

Cæsar tamen iis ipsis mensus est, qui publicum frumentum accipiebant. Augustus deinde patris consilium sequutus hoc quoque *ποσιτῖον* adhibuit firmandæ dominationi; *atque ut militem donis, sic populum annona pellexit.* Dedit enim publicam; dedit privatim coemptam; dedit frequenter extra ordinem in annonæ caritate. Proditum a Dione est lib. LV. Augustum, cum fame ingenti premeretur urbs, donasse plebi alterum tantum frumenti, quantum e publico solita erat accipere. Dederat etiam multis ante annis quadruplum, cum VI. consul ludos exhibuerat pro Aëtiaca victoria, eodem teste lib. LIII. Quæ largitiones fame vexante urbem ab Augusto sunt factæ, eas complexus est egregie Suetonius Cap. XLI. paucis verbis. *frumentum in annonæ difficultatibus sæpe levissimo, interdum nullo pretio virisim admensus est.* In quibus verbis dignum est animadversione, frumentum sæpe extra ordinem ven-

ditum fuisse levissimo pretio. Hinc enim intelligere est, majorem multo fuisse publici frumenti numerum eo, qui abibat in largitiones. Quæ observatio Taciti locum, de quo disputabimus inferius, non mediocriter illustrabit. Augustum tamen & suo pte ingenio, & cura tuendi principatus propensum ad liberalitatem, cum multos magna quondam sterilitate ac difficili remedio urbe expellere coactus esset, impetus cepit frumentationes publicas in perpetuum abolendi, quod earum fiducia cultura agrorum cessaret. Nec perseveravit, quia certum habebat posse per ambitionem aliquando restitui. Sueton. Cap. XLII. ab ipso Augusto hoc proditum scribit. Tot tantarumque largitionum memoriam consignatam ab eo monumentis breviarii rerum à se gestarum facile mihi persuadeo. Sed vetustas, cui in marmora & æra, nedum in nos homullos jus est, invidit nobis tam certa earum testimonia corrupto atque



que exeso magna ex parte lapide Ancyrano; perditis autem, omninoque sublatis è medio aheneis pilis, in quibus Romæ erat scriptum. De publico frumento in eo lapide semel tantum mentio fit obiter in capite, quod ascribam; cum de accipientium numero disputabo. De coempto privata pecunia in eodem monumento hæc leguntur.

**ITERUM ÆRE MEO VIRITIM  
CONSUL UNDECIMUM  
DUODECIM FRUMENTA-  
TIONES FRUMENTO PRIVA-  
TIM COEMPTO EMENSUS  
SUM.**

Sustuli ex hoc fragmento insigne mendum, quod editiones omnes infederat, & pro illis verbis ÆRE MERUI. ET. quæ nauci non sunt, reposui ÆRE MEO VIRITIM. Ut legi in lapide ipso Ancyrano audeo affirmare. ÆRE. MEO fortasse dixit Augustus in hoc capite, quod in superiore, EX PATRIMONIO MEO. Potest tamen

hoc ipsum non incommode ad hæreditates etiam referri, de quibus mox dicam. Robur adjicit huic emendationi, quod subjicit. FRUMENTO PRIVATIM COEMPTO. Si enim curavi edendum in ipso fragmento, non COLUMEIO, ut viri doctissimi, sed hac quidem in parte nimis religiosi. Parcenda hæc religio est veteribus scriptoribus, qui à nobis tractantur: in his autem foedissimis vetera monumenta describentium peccatis procul ableganda. VIRITIM etiam scripsi, vestigia sequutus harum litterarum VI. ET. atque ipsum adeo Augustum, & veteres scriptores, qui hanc vocem adhibent ad significandas frumentarias, & numarias largitiones. Ex hoc igitur capite ad eum, quem dixi, modum restituito intelligimus, Augustum, quo anno XI. consul fuit, frumentum singulis mensibus plebi gratis dedisse coemptum ære suo. Id utrum fecerit ob reditum in urbem ex Cantabria devicta; an ob consulat-

tum;

tum; an ob pestem, quæ grassari eo anno coepit, non liquet. Illud constat Augustum, nisi si fuit divinus, ad famem, ut Lipsio videtur, levandam largiri non potuisse: cum fames non nisi anno insequente ex incultis per superioris anni luem agris premere urbem coeperit Dione teste initio libri LIV. Frumentum datum credo, sed ab eo, quod additur, privata pecunia coemptum fuisse, assensum cohibeo. Quamquam enim cum sæpe alias Augustus, tum supremo testamento professus est, absumpta à se in Remp. duo paterna patrimonia, & supra quaterdecies millies, quod ex testamentis amicorum perceperat (quæ minimum sunt trecenties quinquagies centena aureorum millia, vel ut nunc vulgo loquimur, quinque & triginta milliones) arguitur tamen semel & iterum mendacii à Dione lib. XLVI. ut qui militibus pecunias diviserit λόγῳ μὲν δικοθεν, ἔργῳ δὲ ἐκ τῶν κοινῶν. *verbis de suo; reapse de publico, & plebi R.*

centenos vīcenos nummos à patre legatos , non privata, ut videri vult in his fragmentis , sed publica pecunia persolverit. Verumtamen favet Augusto, quod historicus idem tradit, ludos pro Actiaca victoria privato sumptu ab eo factos. Cœperat scilicet abundare Augustus , & jam securus imperii tam large effundebat privatam pecuniam ad illud retinendum, quam publicam olim ad idem occupandum. Tiberius maxime tenax minime popularis raro admodum quidquam donavit. Observavi tamen apud Tacitum lib. II. novum ab eo excogitatum largitionis genus nummarie simul, & frumentarie. Nam servitiam annonæ incusante plebe , statuit frumento pretium, quod emptor penderet, bino q<sub>3</sub> nummos se additurum negotiatoribus in singulos modios. Idem scribit lib. XV. Neronem cum urbs deflagrasset , pretium frumenti minuisse usque ad ternos nummos , quod non perinde accipiendum est, ac si aut.

Nero,

Nero, aut qui ante eum imperarunt, pretium ullum vel levissimum dixerint publico frumento, quod lege Clodia gratis dari coeperat; id quod video Lipsium esse suspicatum commentariis in Tacitum. Fuit enim ab ea lege frumentum omnino gratuitum. Multo etiam minus hec de eo accipienda, quod *supra annonarum modum, supraq; mensuram tesseram capiebant.* Nero enim prætextu hujus incendii ad quoddam tempus legitimo frumento plebem fraudavit. *Χιφιλίνος, ἐπὶ τῇ πρὸ Φάσει τοῦ ἐμπρησμοῦ τῶν Ρωμαίων τὸ σιτηρεῖον παρέσχετο.* *Incendium caussatus frumentationem publicam sustulit.* Sed pretium, cujus meminit Tacitus, frumenti fuit à Nerone vœnalis propositi ad sublevandas P. R. calamitates. Quantum enim collatis inter se horum scriptorum locis odorari possum, legitima largitione, ad quam plebis quota pars admittebatur, sublata, emensus est Nero P. R. sine ullo

discrimine frumentum sestertiis ternis, id est pretio levissimo in modios æstimatum. Magnam Tacitus fuisse hanc largitionem significat ; major tamen erat futura omnino gratuita. Sed fuit, ut suspicor, Neroni consilium pretio levissimo frumenti constituto, una eademque opera populum lenire sibi infensum, ut incendii auctori, & simulare tantam a se quoque factam jacturam, ut neque dare frumentum posset omnino gratuitum, & à provinciis, privatisque collationes recipere, atque adeo efflagitare cogeretur. Id quod ab eo factum tradit præter Suetonium Cap. XXXIIX. Xiphilinus, quem ea, quam dixi, ratione Tacito concilio. Fuit alterum quoque pretium annonæ, certa scilicet summa pecuniæ, qua frumentum & privatum negotiatorum, & publicum, quod reliquum faciebant largitiones, vendebat. Ea summa pro copia frumenti, quæ in urbe erat, ut nunc quoque usuyenit, & pro anni proven-

tu,

tu, nunc major erat, nunc minor. Modus annonæ vocatur à Tacito lib. XV. Plinius lib. XII. Cap. X. annonam mediam vocat, cum frumento nec vilitas, nec caritas est, sed pretio variet mediocri ac tolerabili. De Principum largitionibus hætenus. Neque enim persequi omnes institui, sed specimen tantum exhibere volui, ex quo liceret conjecturam facere de aliis non paucis, quas de industria prætereo; ne cui forte in rebus cuilibet obviis immorari, aut contexere historiam videar.

*De pane pro frumento dari cæpto.*  
*Cap. IV.*

**F**Rumentaria largitio cum diu obtinuiſſet, panis tandem ſucceſſit in ejus locum. De eo igitur, quando vicarius fuit publici frumenti, non abs re erit pauca diſputare, ut prima ejus origo, ſi qua poteſt, in lucem eruat. Lipſius hanc annonæ mutationem factam à Trajano, omnino autem circa

12

circa Flaviorum imperium suspicatur. Adduxere eam in hanc sententiam veteres in Persium commentarii, qui Satyra III. farinam populi cribro decussam panem fiscalem interpretantur. Ut, cum Persium decessisse constet anno imperii Neronis VIII. Rubrio Mario, & Asinio Gallo Coss: jam tum panis pro frumento datus videatur. Accedit alter Juvenalis locus, quem floruisse Domitiani temporibus, atque adeo vitam usque ad Adrianum produxisse volunt. Is igitur Satyra X. de populo R. scribens, qui dabat olim imperium, fasces, legiones, omnia: nunc, inquit, se

*Continet; atque duas tantum res anxius optat*

*Panem, & Circenses.*

panem ecce nominat, non frumentum. Confirmat eum in hac sententia Aurelius Victor, qui Trajanum prodit annonæ perpetuæ mire consuluisse, reperto, firmatoque pistorum

rum



rum collegio. Si enim, inquit, *pistorum colligium à Trajano ad commodandum annonæ, ergo & panis.* Duo hic largitionis hujus initia nemo, opinor, tangi non videt: cum Trajanus quadragesimo ferme, postquam illa à Persio scripta sunt, anno imperium suscepit. Uter igitur panem primus dedit, Nero ne, an Trajanus? Non aperit Lipsius, quid sentiat: quamquam scriptores veteres, quos testes producit, digladiari videntur inter se; neque est Scholiastæ Persii auctoritas cum Juvenale ipso, & Victore comparanda. Mihi vero, ut fatear ingenuè, quod sentio, verum neutrum videtur: & rationes à Lipsio allatæ in medium paullo negotio dilui possunt. Primum veteres illi in Juvenalem & Persium commentarii non tantum apud me, quantum apud alios plerisque habent auctoritatis pondus. Multa in illis antiqua reperias, multa recondita, multa optimæ notæ: sed contra in iisdem non pauca observavi

recen-

recentia, frivola, falsa, & ab eorum, in quos sunt scripti, poetarum sententia aliena; quæ propemodum clamant eos non esse sinceros, sed ut alios plerosque (præcipue autem in Satyras Horatianas) infuscatos. Quamobrem adhibenda in iis legendis cautio est, ne quem forte vetustatis opinione rapiant in errorem. Rationem censuræ tam asperæ in hos commentarios meæ differam in aliud tempus: nunc satis erit ostendere, obscuratam ab eis, quasi nube obducta, clarissimam Persii sententiam panis fiscalis mentione. Carpebat enim poeta divites, gulæ, & luxuriæ mancipia; qui panem, atque holera, quibus utitur plebs, aspernabantur, superbum hoc fastidium prætexentes levi aliqua excusatione.

.... *Positum est argente catino*

*Durum holus, & populi cribro decussata farina:*

*Tentemus fauces. tenero latet bulcus in ore:*

*Putre*

*Putre, quod baud deceat plebeia rade-  
re beta.*

Cujus loci priorem partem tantum non interpretatus est Plinius lib. XIX. Cap. IV. longa, eaque acerbissima divitum luxus infestatione, de qua pauca operæpretium est delibare. *Ferendum sane fuerit exquisita nasci roma, alia sapore, alia magnitudine, alia monstro pauperibus interdicta: inveterari vina, sacisq; castrari, nec cuiquam adeo*  
*lana non esse vitata, ut non ante se genita*  
*virginitate possit, et non ante se genita*  
*potet.* E frugibus quoque quoddam alimentum excogitasse luxuriam, ac medulla tantum carum, superq; pistrinarum operibus, & cœlaturis vivere, alio pane procerum, alio vulgi, tot generibus usque ad infimam plebem descendente annona. Etiamne in herbis discrimen inventum est, opesq; differentiam fecere in cibo etiam uno asse venali? In his quoque aliqua sibi nasci tribus negant. Reliqua legantur apud illum tristissimum, & asperrimum censorem morum, quem cum lego, nec Persium, nec Juvena-  
lem

lem desidero , ac ne Lucillium quidem ; quamquam velut stricto ense infremuisse dicitur. Sed Juvenalis mentio opportune facta revocat mihi in memoriam Satyram ejus V. cujus idem ferme est , quod superioris Pliniâni loci argumentum, sed ita tractatum , ut cum Plinius fulmina mittere videatur, Juvenalis vix coruscet, & quanto hic placidior , tanto sit ille torrentior. In ea igitur Satyra hi versus leguntur , qui superiores etiam Persianos illustrant non mediocriter.

*Ecce alius quanto porrexit murmur  
re panem :*

*Vix fractum , solidæ jam mucida  
frustra farinæ ,*

*Quæ genuinum aguent, non admit-  
tentia morsum.*

*Sed tener, & niveus, molliq; filigine  
factus*

*Ponetur domino. Dextram cobibere  
memento :*

*Salva*

*De frument. Roman. largit. 91*

*Salva sit artoptæ reverentia. Finge  
tamen te*

*Improbulum; superest illic, qui po-  
nere cogat.*

*Vistu consuetis audax conviva ca-  
nistris.*

*Impleri, panesq; tui novisse colo-  
rem?*

Cum igitur plebji plerique confi-  
cerent, hodieque conficiant panis,  
non ex farina succreta cribro polli-  
nario, sed laxiore, quod minutos et-  
iam furfures transmittit: hi panes  
quia neque candore, neque suavitate  
pares iis erant, qui parabantur diviti-  
bus ex simila aut filigine, ab illis re-  
jiciebantur. Atque hi sunt, quos si-  
gnificat Persius, cum farinam dicit  
populi cribro decussam. Cur igitur  
quisquam fiscales panes hic nobis ob-  
trudat, nihil est. Habeat sibi ille bar-  
dus, qui eos primus somniavit. Quid?  
quod hæc hujus loci interpretatio  
cum altero pugnat ejusdem poetæ lo-  
co Satyra V?

*Liber*

*Libertate opus est, non hac, qua ut  
quisq; Velina*

*Publius emeruit, scabrosum tesseru-  
la far*

*Possidet.*

Nonne enim diserte ostendit poeta distribui solitum ætate sua frumentum, non panem? Quod si cui forte in mentem venerit suspicari, mutatam à Nerone, postquam hæc scripta sunt, aut mortuo jam Persio, annonam, is meminerit, Tacitum lib. XV. scriptum reliquisse, Neronem anno imperii XI. Silio Nerva, & Attico Vestino Coss: (is fuit à Persii morte annus tertius) dedisse prætorianis militibus sine pretio frumentum, quo ante ex modo annonæ utebantur. Panem. n. profecto largitum dixisset, si frumentum per ea tempora dari esset desitum. Hæc de Neronis imperio, & Persii loco. De Tito imperatore vetus extat inscriptio reperta in horreis Palatinis, ex Panuinio in urbe Roma

IMP. T. CÆSAR I.  
DIVI. F.  
VESPASIANO. AUG.  
PLEBS. URBANA.  
QVÆ. FRUMENTUM.  
PUBLICUM. ACCEPIT.  
ET. TRIBUS.

Juvenalis autem, cujus ad Domitia- 14  
num, Nervam, Trajanum, Adrianum  
pertinere potest locus, panem dicit à  
populo optari. Non nego. Fiscalem  
igitur, & gradilem. Hoc per nego. Vi-  
detur enim mihi poeta panis nomine  
significare uberem annonam, quam,  
plebs ubique exigit à Principe. De ea  
locus est apud Tacitum lib. IV. histo-  
riarum, eo magis notandus, quod sum-  
mus vir in ejus interpretatione à me  
stat, secum pugnat. *Quia naves, inquit  
Tacitus, sævitia hiemis prohibebantur,  
vulgus alimenta in dies mercari soli-  
tum, cui una ex Republ. annonæ cura,  
retineri commeatus dum timet, credebat.*  
In eum locum Lipsius tale esse notat  
hoc Juvenalis de populo R.

-----*Duas tantum res anxius  
optat*

*Panem, & Circenses.*

De pane igitur vœnali, ejusque copia locus Juvenalis accipiendus, non de fiscali, quem Domitiani sæculo in usu non fuisse docet, ni fallor, hic poetæ ejusdem locus e Satyra VII. quæ est de vivi adhuc Domitiani egregia in poetas voluntate, quamquam Nerone hic quoque somniat vetus interpretes.

*Summula ne pereat, qua vilis tessera  
vænit*

*Frumenti.*

tesseram frumenti ecce nominat, non panem. Veruntamen idem ille vetus interpretes hoc quoque distorquet, & summulam, nisi me fallunt corrupta ejus verba, modum significare ait gradilis panis: quam recte, & apposite ad reliqua poeta verba, omnes vident. Si enim summula modus panis est, quid erit tessera frumenti vœniens? An non verius est, summulam esse eam pecu-



pecuniolam, quam tesseræ frumentariæ pretio parem orator corradebat? mihi quidem videtur. Dedit igitur frumentum Domitianus. Quid Nerva? Silent historici, sed nummi loquuntur, in quorum uno modius est spicis refertus cum hac inscriptione.

PLEBEI URBANÆ FRUMENTO CONSTITUTO.

Quamquam autem, qua sit præcipue ratione constitutum, non constat (potuit enim multimodis constitui) mihi tamen satis superque est, non dici restitutum, ut sane dictum oportuit, si Domitianus panem distribuerat. Illud quoque confirmare omnes potest non mediocriter in hac sententia, quod hic mentio fit plebis urbanæ, quæ annonam gratuitam accipere erat solita. Dedit igitur Nerva frumentum, atque adeo ut successores dare possent, constituit. Successit illi Trajanus, quem instituisse paternis vestigiis (quod quidem spectat ad hanc largitionem) quamquam veri  
admo-

admodum simile est, non possum tamen certo affirmare: quippe qui nullum adhuc invenerim vetus monumentum, unde id erui possit. Ac ne panes quidem ab eo distributos quisquam veterum tradidit. Solus Victor nescio quid de pistoribus scripsit, ut supra notavi, unde id eruit Lipsius.

15 Sed alia fortasse, quam putat, illis verbis est subiecta sententia, & hoc dicit Victor. Ut panis ingenti urbem co-lentium multitudini abunde suppeditaret, nee deficeret unquam, repertum à Trajano, firmatumque pistorum collegium. Qua ratione & populo R. universo, & peregrinis optimus imperator prospexit, quorum plerique pane à propola vitam tolerabant; id quod & stante Republica, & collapsa factum conjicio ex Cicerone in Pisonem, & Tacito lib. IV. historiarum: & hodieque Romæ tralatitium est; quæ in urbe, ut in plerisque omnibus Italicis, pistorum collegium in eam, quam dixi, gratiam viget? at panis largitio, si spor-

si sportulas excipias, nulla. Quando igitur nihil vetat credere, idem Trajani consilium fuisse; expectemus necesse est; dum aliquid certius de pane ab eo distributo in lucem eruatur. Interea si à frumentaria largitione, quam diu retinuisse Trajani successores docebo, de ipso Trajano conjecturam ducere licet; quidni autem liceat? frumentum ab eo datum videri pronuntio. Adrianus certe, qui illi in imperio successit, *Senatoribus, qui non vitio suo decoxerant, patrimonium pro liberorum modo Senatoriæ professionis explevit, ita ut plerisque in diem vitæ suæ DIMENSUM sine dilatione restituerit*, ut scribit Spartianus. At dimensum non panis modus est; sed frumenti, auctore Donato in Phormionem. Frumentum igitur largitus est Adrianus. De Antonio autem Pio, quem ille habuit hæredem imperii, hæc apud Capitolinum leguntur. *Vini, olei, & tritici penuriam per ærarii sui damna emendo, & gratis populo dando sedavit.*

Quamquam autem hæc extra ordinem largitio videtur in annonæ caritate, quid tamen causæ fuerit, quamobrem frumentum, non panis populo daretur, non video; si pistorum collegium ea tantum gratia fuerat institutum, ut gratuitum panem conficerent. Post Antoninum Pium imperium suscepit alter Antoninus, quem vulgo appellant Philosophum. Is cum L. Vero, quem Augustum dixerat, Lucillam filiam deipondit, *ob hanc conjunctionem*, ut ait Capitolinus, *pueros & puellas novorum hominum frumentariæ perceptioni ascribi præcepit*. Nihil dici potuit apertius; & tamen in rem minime dubiam testem alterum dabo L. Appuleium, qui circa Antonini tempora, & horum DD. fratrum vixisse traditur. Is libro de mundo, *Alius*, inquit, *ad Minutiam frumentatum venit, & aliis in judiciis dies dicitur*. Nulla hic graduum, è quibus panem distributum volunt, sed Minutiæ; nulla panis, sed frumenti mentio. Quinetiam multis

tis post annis L. Septimius Severus, & post eum Antoninus ejus filius frumentum dedere, si Lipsio credimus, qui ad Taciti Annalium librum XV. docet ex Herodiano auctum ab utroque modum frumenti, quod cohortibus prætorianis Neronis instituto gratis dabatur. Accepisse autem etiam plebem colligo ex Xiphilino, qui uno eodemque nomine τῶν προδοτουμένων, quo utitur Dio ad eos significandos, quibus frumentum gratis dabatur, de Severo scribens milites & plebem complectitur. Ejus verba recitabo inferius, cum de numero accipientium disputabo. Postremo Alexandrum a vetere consuetudine non recessisse docent Paullus & Ulpianus l. CC. quorum uterque & floruit, Lampridio teste, illo imperante, & frumentariæ tesserae mentionem fecit Ulpiani fragmentum legitur in Pandectis titulo de judiciis. *Si libertis suis tesseras frumentarias emi voluerit restator*, Paulli autem titulo de

legatis 2. *Si Titio tessera frumentaria legata sit.* Cum ergo frumenti tam frequens sit apud veteres mentio, de pane autem mirum silentium, non temere, opinor, usque ad hæc tempora frumentum donatum quis affirmaverit. Quid tu? inquiet aliquis, panem fiscales cuius inventum putas? Ego vero Aureliani, quem tradit Vopiscus expeditione suscepta in orientem, bilibres coronas populo R. pollicitum, si victor redisset. Ac populum quidem aurcas expectantem ex panibus accepisse, quos illi Aurelianus voti compos donavit. Ex eo igitur panem quotidie singulis datum, & quidem sigillineum, qui hæredes, posterosque omnes sequeretur, atque hunc panem, ut ita dicam, coronarium se hæc prodente. Constantino principe adhuc datum affirmat. Paullatim deinde hæc quoque largitio una cum imperio P. R. consenuit, ac demum omnino defluxit. Sed alterum quoque est ab Aureliano usurpatum largitionis genus

nus, cuius meminit in epistola ad præfectum annonæ apud eundem Vopihis verbis. *Inter cetera, quibus, Dis Faventibus, Romanam rem juvimus, nihil mihi est magnificentius, quam quod additamento uncie omne annonarum urbigarum genus juvi.* Vopiscus unciam additam panibus urbis de Aegypto vectigali testatur. Hanc largitionem viris doctis ante me observatam fuit mihi consilium denuo commemorare, ut alia nonnulla, ut in mediam rationem ponerem, qua si minus facta est, at fieri potuit. Aucto igitur non mediocriter Aegypto vectigali Probi opera, quem tradit Vopiscus in Nilo tam multa fecisse, ut vectigal frumentarium solus adinuerit, statuit Aurelianus. Quidquid illud fuerat accessionis donare populo R. sed ita, ut, quod in se erat, nemo expers esset ejus largitionis. Jussit igitur ut pistores, qui panes in urbe vanales conficiebant, certi in asses v. g. ponderis pro annonæ modo, ut sit hodieque panibus.

E 3

nibus singulis unciam adderent, quam ipse gratuitam ementibus dabat, damna pistorum frumento Alexandrino sarciendo. Sed hanc largitionem suspicor non fuisse diuturnam.

*De modo frumenti.*

*Cap. V.*

**H**æc habui, de ortu & interitu frumentariæ largitionis quæ dicerem. Nunc de modo frumenti ut disputem, ratio suadet, ac via, quæ in omni doctrina momenti plurimum haber. Ac principio quidem certum ac definitum modum nullum fuisse facile adducor ad suspicandum. Quippe qui ex Livio præsertim intelligam, frumenti vim, quæ distribuebatur, variam fuisse & incertam, & tamen divisam aliquando cum summa fide & gratia, id est, ut ego interpretor, nulla habita aut proprii, aut amicorum, & clientium commodi præcipua ratione, sed admissa plebe universa ad publicam



cam liberalitatem. Qua ratione ad  
ejus multitudinem frumenti modus  
fuit exigendus. Sed hæc, ut ingenue  
fatear, mera est divinatio, ex perlevi  
orta conjectura: quam autem subjici-  
am, ea firmiori nitetur fundamento, &  
facile omnes mihi assentientur, Grac-  
chum, qui primus de stata, ac perpetua  
frumentatione legem tulit, de modo  
etiam frumenti cavisse. Eum igitur  
hujus quoque rei auctorem facio. Ab  
Appulejo autem & Druso non minus  
hunc ipsum modum servatum verifi-  
mile est, quam certum sit, legem Sem-  
proniam eos revocare conatos. Sed  
quanta hæc fuerit menstrua largitio,  
nemo omnium, qui extant, veterum  
scriptorum, quod sciam, prodidit. U-  
nus Salustius in ea, quam supra com-  
memoravi, Marcii concione, modum  
lege Terentia frumento definitum ex-  
pressit his verbis. *Nisi forte repenti-  
na ista frumentaria lege munia vestra  
pensantur, qua tamen quinque modis li-  
bertatem omnium æstimare.* Quem

locum diligenter examinans veni in  
eam sententiam, ut mihi persuaferim,  
aut restitutum hac lege veterem Sem-  
pronix modum, aut hunc recentem  
veterem majorem fuisse. Vix est enim  
ut si plus Gracchus dedisset, fuerit  
Marcus silentio præteriturus, largio-  
rem tribunum fuisse, quam patres :  
cum præsertim eos apud plebem cri-  
minaretur, & largitionem illam exte-  
nuaret ; ut hujus exilitate, illorum  
impotentia commota in studium resti-  
tuendæ tribunitiæ potestatis acrius  
exardesceret. Sed tamen parem fuisse  
legis Terentiæ & Sempronix modum  
verius videtur cogitanti, hanc largi-  
tionem patribus expressam, delinire  
satis potuisse plebis animos in eos of-  
fensiores, si par tribunitiæ fuisset. Hoc  
16 igitur probo : Lipsium non audio, qui  
ob has tribunitias querelas additum  
largitioni modum arbitratur, ita ut  
fieri essent. Nam cum pugnet aperte  
cum Salustio, nulla tamen sententiam  
suam fulcit ratione. Quini igitur mo-  
dii,

dii, singulis mensibus ad frumentariam perceptionem admissis dati sunt lege Sempronia; fortasse etiam S. C. facto in sententiam Catonis, ad plebem, legis Terentiae exemplo, leniendam. Reliquae sunt Clodiae leges, latae paullo ante funus Reipubl. quibus nullam factam ad veterem modum accessionem ut credam, facit Cicero, qui exhaustum a Clodio remissis semissibus ac trientibus aerarium deplorat; de modo autem ab eo aucto ne verbum quidem: cum tamen hac ratione magnum potuerit Reipubl. vulnus infligi, & Ciceroni non dissimulandum. Dicer quispiam. Ne de numero quidem accipientium aucto Cicero quaeritur, de quo tamen Clodiam legem priorem non esse latam praestare non audes. Sed multitudo aucta antea fuerat à viris bonis, & Reipublicae amantibus; modus fortasse à nemine. Ca- 17  
fare autem rerum potito, ordinariam largitionem fuisse modium denum, eo magis miror Lipsium affirmasse in

Admirandis, quod alibi à se id notatum dicit, quod nullibi est notatum. Nam in Electis, probare hanc sententiam non ausus, suspicatur id, quod res est, hanc fuisse largitionem extra ordinem, ut ego capite III. Dionis testimonio probavi. A Cæsare usque ad Severum de modo frumenti à veteribus traditum nihil observavi. Severus, Herodiano teste libro III. primis cohortibus prætorianis modum auxit. Caracalla ejus Filius patre cæso, ut est apud eundem lib. IV. dimidium ejus, quod pater dabat, adjecit, ut menstrua largitio minimum fuerit novenum modiorum. Modus autem frumenti plebi distributi qui fuerit, obscurum est. Frumento deinde post LX. circiter annum dari desito, coronæ bilibres ex siliginæis panibus quotidie populo ab Aureliano sunt datæ: quam largitionem si minus majorem frumentaria, quæ antea obtinebat, parem certe fuisse verisimile est.

*De iis, quibus dabatur publicum frumentum. Cap. VI.*

**A**D tertium jam venio disputationis hujus caput, de iis, quibus dabatur publicum frumentum. Hæc quæstio duas habet partes; unam de statu, alteram de multitudine accipientium; quas eodem, quo propositæ sunt, ordine exsequar. Quod spectat ad primam, datum est frumentum civibus Romanis tenuioribus, sive ingenui essent, sive libertini, sive nobiles, sive obscuri. Senatores etiam accepisse reperio, & admissos ab Augusto aratores; & negotiatores; à Nerone cohortes prætorias: quæ omnia, antequam porro progredior, veterum testimoniis confirmanda sunt. Cives fuisse liquet ex Persii, & Senecæ locis, quos ante me Lipsius notavit; neque ex iis modo, sed ex aliis multis, quibus in re tam clara & certa supersedeo. Quamobrem peregrinos ante civitate, quam frumento donatos autumnò.

Ha-

Habitam præcipue tenuiorum, miseræque plebeculæ rationem iisdem re-  
 stibus credi potest, quibus supra usus  
 sum, de legibus Sempronia & Clodia  
 cum disputarem. Liberti etiam capie-  
 bant, ut præter Persium, cujus versus  
 Cap. IV. illustravi, docet Dio libro  
 XXXIX. ὁ Πομπήιος ἐσχέει τῇ τοῦ σί-  
 του διαδόσει πρὶν τὰ πωλῶν, γὰρ πρὸς  
 τὰς ἀπ' αὐτοῦ ἐλπίδας ἐλευθερωθέντων,  
 ἀπογραφῇ, σφῶν ὅπως ἔντε κόσμῳ, καὶ  
 ἐν παύσει τινὶ σιτοδοσίῳ, ἐδεῖσθαι πο-  
 θύσεται. Erant, quæ Pompejum in di-  
 stributione frumenti morarentur. Mul-  
 tis enim propter spem, quam de se excita-  
 rat, manumissis, ut recte atque ordine ac-  
 ciperent, necensum eorum facere institue-  
 rat. Quæ verba ad nescio quam libe-  
 ralitatem detorsit interpretes. Acce-  
 pitse autem & nobiles, & magistrati-  
 bus functos discimus ex Cicerone  
 Tuscul. III. Piso ille frangi semper con-  
 tra legem frumentariam dixerat. Is le-  
 gelata consularis ad frumentum acci-  
 piendum venerat. Animadvertent

Græc.

Gracchus in concione Pisonem stantem.  
Quærit audiente populo R. qui sibi con-  
flet, cum ea lege frumentum petas, quam  
dissuaseras. Nolim, inquit, mea bona,  
Gracche, tibi viritim dividere liceat.  
Sed si facies, partem petam. De Sena-  
toribus est etiam Spartiani locus in  
Adriano, quem supra descripsi. Sena-  
toribus, qui non vilio suo decoxerant, pa-  
trimonium pro liberorum modo Senato-  
riæ professionis explevit: ita ut plerique  
in diem vitæ suæ dimensum sine dila-  
tione restituerit. Ex quibus verbis in-  
telligere est, & datum Senatoribus  
etiam ante illa tempora frumentum &  
dari desitum iis, qui decoxissent. Ad  
hæc aratores, ac negotiantes ab Augu-  
sto admissos ad frumentationem pro-  
dere videtur Suetonius cap. XLII.  
cum narrat post magnam illam fa-  
mem, quæ Augustum prope impulit  
ad abolendas publicas frumentatio-  
nes, ita ab eo rem temperatam, ut non  
minorem aratorum ac negotiantium,  
quam populæ rationem reduceret. Quam-  
quam

quam mihi de hac re attentius cogitanti non videtur Augustus hoc consilio plebem avocasse ab ignavia, ac desidia, & ad agriculturam traduxisse. Si enim una cum industriis & navis admittebantur adhuc ad frumentationes ignavi & otiosi, quid erat, cur quisquam commoveretur, & vitam duram, ac laboriosam præponeret inertis ac securæ? Patebat adhuc via, quam omnino præclusam oportuit ab eo, qui cuperet aliquid promoveri. Nisi forte certus aliquis aratorum ac negotiantium numerus ita est admissus ad publicas frumentationes, ut in locum demortuorum nonnisi ejusdem farinae homines sublegerentur. Ex quo consilio fructum aliquem capere Augustum potuisse non nego: veruntamen hæret mihi in animo suspicio alterius sententiæ, quæ lateat sub illis verbis. Potuit enim Augustus aliquaquam ratione aratorum ac negotiantium commodis prospicere: præsertim immunitate, qua interjecto

tem-



*De frument. Roman. largit.* III

tempore donatas à Nerone frumentarias naves ex Tacito discimus lib. XIII. Postremo prætorianis militibus dedit idem Nero gratuitam annonam Suetonio teste cap. X. & Tacito lib. XV. Hos omnes, quicunque capiebant publicum frumentum, intelligendum est in urbe domicilium habuisse. Res clara ex Plutarcho, Plinio, Dione, Lapide Ancyriano. Et jure sane hoc fuit institutum. Neque enim fas est, ut Cassiodori verbis utar, ut *qui urbis affectum domicilii indicio monstrare neglexerint, ejus commodis perfruantur.* Sed ne id quidem, ut frumentum quis caperet, satis fuit. Nam recipiente, & in album referri oportuit. Hanc Græci ἀπογραφή, & ἐξέτασις, nostri recensum, & recensionem vocant, quam stante Republica fuisse usurpatam ex Cicerone intelligimus in Miloniana. *Eum (Clodiū) qui ædem Nympharum incendit, ut memoriā publicæ recensionis tabulis publicis consignatam extingueret.* Sed & Suetonius idem signi-

significat in Cæsare cap. XLI. actum ab eo recensum nec more, nec loco solito prodens. Locum solitum fuisse campum Martium; morem, ut per Censores, & publicos Scribas negotium conficeretur sunt viri doctissimi, qui velint. Sed ut de Censoribus dubitem, facit Dionis de Pompejo locus, quem supra recitavi. Ex eo intelligitur, hos recipere, illos rejicere in eorum, qui curabant frumentum, potestate fuisse. Sed Cæsar Dictator hoc quoque mutavit, & recensu acto instituit, ut quotannis in demortuorum locum subfortitio à Prætore fieret ex his, qui recensiti non essent. Ita res ex arbitraria facta fortuita, & à gratia traducta ad sortem. Recensitis dabantur tesserae, quas vendi quia nulla vetabat lex, fiebat non raro, ut qui eas emerant, quamquam recensiti non erant, acciperent nihilominus frumentum. Vænisse autem eas vili, non solum potest conjici ex eo, quod tantisper erant, ut ita dicam, fugiferae, dum

iis, unde erant emptæ, vita suppeditabat; sed intelligitur etiam ex Juvenalis versibus è Satyra VII. supra capite IV. descriptis. Cetera, quæ sunt hujus propria, apud Lipsium legantur.

*De numero accipientium publicum frumentum. Cap. VII.*

**A**Ltera de numero accipientium quæstionis pars multo est obscurior, sed contendam, qua potero, ei quoque lucem dare. Ante legem Semproniam vix adduci possum, ut credam certum fuisse numerum τὰν ἀποδοτέων. Quid mirum? cum rara esset, incertaque largitio, & nunc major, nunc minor frumenti numerus adveheretur. C. Gracchus non dubito, quin de hac quoque re lege caverit; sed quam multi acceperint ejus beneficio, nondum potui subodorari. Paribus tenebris circumfusæ sunt leges Appuleja, & Livia. Numerum accipientium lege Terentia indagavi  
nec

nec satis certis, nec nisi leviter impres-  
sis vestigiis apud Ciceronem frumen-  
taria, quo loco agit de venditis à Ver-  
re Agyrinensium decumis. *Imperas,*  
*inquit, ut decumas accipiant; Apronio*  
*dent lucri vitici medimnum XXXIV.*  
*M. Quid est hoc? Una civitas ex uno*  
*agro plebis Romanæ prope menstrua ci-*  
*baria donare Apronio cogitur? Menstrua*  
*cibaria alterutro horum modorum in-*  
*terpretemur necesse est; aut frumen-*  
*tum, quo empto plebs Romana vi-*  
*ram tolerabat, aut quo publice dona-*  
*batur. In emptum, quæ Cicero dicit,*  
*non cadere si ostendero, non levi ac*  
*futili conjecturam meam argumento*  
*confirmaro. Nam de frumento Ro-*  
*mam undecumque importato, sive id*  
*Siculum esset, sive in vectum ex aliis*  
*provinciis, ut eo plebs R. universa u-*  
*teretur, hæc accipi nullo modo pos-*  
*sunt. In urbe enim omnium, quas sol*  
*aspiceret, maxima, quis non ultro det*  
*fuisse amplius CCCC. M. plebis ur-*  
*banæ? Alioqui Romam pro ejus*  
*magni-*

magnitudine adeo à veteribus celebrata fecerit *ὀλιγάριθμος*, & parum frequentem. At subducta ratione hanc multitudinem minimum C. M. medimnum menſtrua abſumpſiſſe comperiemus, ut ſingulis tribuantur modii terni. Qui ingens frumenti numerus à XXXIV. millibus medimnum à Cicerone expreſſis abeſt tam longe, ut nullo modo tam impudenti mendacio fucus fieri judiciſus potuerit. Sequitur ut de Siculo tantum frumento hæc accipiamus. Sed cum duæ ſint exactæ ab Siculis decumæ, utrum ad utraſque hæc pertinere cenſebimus, an ad alteras? Decumani frumenti, & ex S. C. empti numerus fuit in ſingulos meſes C. M. medimnum, ut conſtabit ex capite X. Qui autem dicat XXXIV. M. eſſe prope centena millia, is non & calumniatur aperte, & iudicum odium à reo in ſe convertat? Reſtat igitur, ſi de frumento Romæ vænali hæc à Cicerone ſunt ſcripta, ad alteras tantum decumas ut pertineant, quæ

quæ fuerunt medimnum L. M. Vitant  
 fateor, qui ita locum hunc interpre-  
 tantur, eam rationem, qua sunt supe-  
 riores sententiæ jugulatæ. Nam si o-  
 ratorum in augendo spectetur con-  
 fuetudo, negari non potest, quin L. M.  
 ad XXXIV. proxime accedant. Hanc  
 igitur vitant rationem, sed in alias in-  
 currunt. Nam quæri potest primum,  
 de utris hæc dicta putent Siciliæ decu-  
 mis? neque enim discernit orator.  
 Deinde cum utraq; ut ex multis  
 orationis illius locis constat, sint Ro-  
 mam missæ, cur alterarum tantum ra-  
 tio habeatur? Quod autem quis di-  
 cat, cum præter eum, de quo disputa-  
 mus, duo sint ejusdem orationis loci,  
 in quibus demptum esse à Verre de  
 P. R. victu frumentum, & altam à Si-  
 culis plebem R. affirmat, hi quæ omnes  
 loci in ea sint orationis parte, in qua  
 de primis decumis agitur, de his tan-  
 tum omnes accipiendos videri: hæc  
 inquam quod quis dicat, me non pri-  
 us commovebit, quam doceat, aut al-  
 teras

ter decumas Romam missas non fuisse: aut aliam ullam fuisse causam, cur mitterentur, quam *ut populo R. satis frumenti ex Sicilia suppeditaretur*; aut quid sibi Cicero velit, cum de emptis decumis disputans datum ait Verri pecuniam *ad frumentum, id est ad necessitatem salutis & vitæ*. Nam ex his junctis aut fallor, aut efficitur, hoc quoque frumentum in plebis R. plus imperatum atque advectum fuisse. Redeo igitur ad superiorem illam rationem, & quæro, cur ejus in mensuris P. R. cibariis ratio non habeatur. Qui respondere non poterit, si, quam imbibit, opinionem mordicus retinebit, fateri cogetur se in hoc loco interpretando non tam ratione, quam arbitrio suo niti, plusque de sua, quam de Ciceronis sententia laborare. Quando igitur neque de omni frumento publico, quod erat Romæ vanale, neque de Siculo, siue utrasque siue alteras tantum decumas sumamus, hæc scripta videntur, quid restat, nisi ut signific-

gnificari dicamus Ciceronis verbis  
menstruam annonam lege Terentia  
plebi donatam eo triennio, quo Ver-  
res fuit in Sicilia? Sed certus frumen-  
ti numerus latet. Id unum scimus Ci-  
cerone auctore accessisse eum ad me-  
dimnum XXXIV. M. Hac igitur  
quali face prælucente progrediamur  
conjecturis quamminime audacibus.  
Imminuit orator modum frumenti ad  
crimen augendum, nos eum amplifi-  
cemus, & producamus vel ad L. M.  
medimnum: qua ratione fiet ad illum  
tertiæ circiter partis accessio, adeo  
non levis, ut fortasse ne orator quidem  
tantum detrahere sit ausus, cum verla-  
retur in re omnibus nota & aperta.  
Medimna singula modios Romanos  
capiunt sex. Erunt igitur menstrea  
modium Romanorum CCC. M. quæ  
sufficiunt hominum LX. Millibus a-  
lendis, ut modus frumenti fuerint mo-  
dii quini. Aut igitur hæc ipsa, aut cir-  
citer tanta, mea quidem sententia non  
major hominum multitudo lege Te-  
rentia



rentia publicum frumentum accepit. At Senatusconsulto, cujus auctor fuit M. Cato, conjicere possumus admissa ad frumentationem hominum M. circiter C. ex sumptu, quem factum quotannis in eam rem tradit Plutarchus. Is sumptus fuit DCCL. M. scutatorum aureorum. Cum enim frumentum lege Terentia dividendum tradat Cicero in frumentaria emptum in Sicilia HS. quaternis in modios singulos, Romæ pluris fuisse necesse est, nisi si aut classes, quibus advehebatur, nullo Reipubl. sumptu navigarunt, aut facienda non fuerunt alii sumptus eo majores, quod frumenti pars multo maxima è regionibus quam Sicilia remotioribus petebatur. Ponamus igitur frumentum Romæ fuisse in modios singulos HS. quinis, & paullo amplius; & quidquid excutrit, refectum Reipublicæ semissibus ac trientibus, quos numerabat plebs, atque hac ratione. datos inveniemus ex hoc S. C. modios quinos quot mensibus cen-

centum hominum millibus. Accipiebant enim singuli quotannis modios sexagenos, qui ea, quam statui, æstimatione HS. quinum, valebant aureos scutatos septem cum semisse. Hi centies millies ducti reddent ad assem summam illam Plutarchi DCCL. M. Sed tamen quia sumptuum Reipubl. modum tenere ad unguem non possumus, una etiam certum accipientium numerum ignoremus necesse est. Sed non erit procul à vero, qui circiter tantum, omnino autem maiorem, quam lege Terentia fuisse existimabit. De Clodia priore nihil habeo dicere, præter ea, quæ capite II. extremo sunt dicta. Hac igitur missa veniamus ad C. Cæsarem, qui cum per seditiones & bella civilia plurimi, ut fit, irrepsissent nullo jure in has largitiones, jamque essent CCCXX. M. accipientium publicum frumentum, anno V. C. DCCVII. recensu aëto ad CL. M. retraxit. Auctor Suet. cap. XLI. & Dio libro XLII. cujus verba Lipsius male inter-

interpretatur. Quamquam enim ad 18  
partem dimidiam redactos prodit,  
quæ sunt CLX.M. addit tamen *ὁμοῦρι*,  
id est ferme, ut aliquanto pauciores  
fuisse intelligamus, quamquam ipse,  
ut fit, rotunda summa utitur. Idem  
numerum à Cæsare imminutum innuit  
ipsis triumphis diebus, ut ad pauciores  
largitio perveniret. Neuter tamen  
rem ita prodit, ut intelligere liceat  
reduxitne Cæsar veterem nume-  
rum, an modice auctum ierit. Lipsius 19  
reuocatum veterem credit: mihi in  
re incerta, & probabili placet altera  
sententia, non ob eam solum causam,  
quod in homine populari fuit hoc ma-  
gis popolare, sed etiam ut civibus te-  
nuioribus, & obæratibus, qui, cum nihil  
haberent in censu, collocarant in Cæsa-  
re spem suam, & ab ejus partibus stete-  
rant, gratia ex parte aliqua repende-  
retur. Ut ut est (dubitare enim malo,  
quam statuere) denuo certum hunc  
numerum eadem causa reddidit in-  
certum, id est bella civilia, quæ post

Cæsaris necem exarserunt. Sed eum Augustus ita denuo coarctavit, ut tamen pateret latius, quam antea, & paullo plures CC. Millibus essent, qui accipiebant publicum frumentum. Ipsemet testis in breviario rerum à se gestarum, & impensarum, quas in Rempublicam, & P. R. fecit: cujus capita quædam non abs re erit ascribere, & examinare.

I. ITERUM. ÆRE. MEO. VIRITIM. CONSUL. UNDECIMUM. DUODECIM. FRUMENTATIONES. FRUMENTO. PRIVATIM. COEMPTO. EMENSUS. SUM. ET. TRIBUNITIA. POTESTATE. DUODECIMUM. QUADRINGENOS. NUMMOS. TERTIUM. VIRITIM. DEDI. QVALIA. MEA. CONGIARIA. FRUMENTI.....NUM. NUNQUAM. MINUS QVINQUA-

*De frument. Roman. largit.* 123

QVAGINTA. ET. DU-  
CENTA.....SIA.

II. CONSUL. TERTIUM.  
DECIMUM. SEXAGENOS.  
DENARIOS. PLEBI. QVÆ.  
TUM. FRUMENTUM.  
PUBLICUM. ACCE... DEDI.  
EA. MILLIA. HOMINUM.  
PAULLO. PLURA. QVAM.  
DUCENTA. FUERUNT.

In II. capite expressus est numerus accipientium publicum frumentum. Ea millia hominum paullo plura, quam ducenta fuerunt. Augustus XIII. consulatu, quem gessit anno V. C. DCCLII. largitus est singulis denarios sexagenos, cum L. filium suo tyrocinio deduxit in forum. Idem prope numerus est apud Dionem libro LV. ὁ δὲ Αὐγούστου τὸ τοῦ ἡμοῦ τοῦ σιτοδοιοῦμένου πλῆθος ἀόρισεν ἐν, ἐς εἰκοσι μυριάδας καὶ κλεισε, καὶ ὥστε τινὲς λέγουσιν, καὶ ἓνα ἑξήκοντα δραχμὰς ἔδωκε. Augustus frumentantium multitudinem minime certam ad M. CC. rede-

- git, & viritim sexagenos denarios, ut quidam auctores sunt, dedit. Quamquam autem hunc recensum factum Dio tradit anno V.C.DCCXLIX. C. Antistio Vetere, & D. Lælio Balbo Coss: idest quadriennio ante XIII. Augusti consulatum, non tamen ab e-
- 20 jus breviario dissentit. Hoc enim tantum dicit Augustus, se consulem decimum tertium, congiarium dedisse plebi, quæ per id tempus frumentum accipiebat: nec video, unde Lipsius
- 21 expiscetur, factum ab eo hoc anno populi recensum. Immo illis verbis. PLEBI. ROMANÆ. QVÆ. TUM. FRUMENTUM. PUBLICUM. ACCIPIEBAT. (sic enim censeo lacunam illam explendam) non obscure videtur significare solitam per ea tempora accipere tantam multitudinem, non autem à se tum primum redactam ad M. CC. Non solum igitur non erravit Dio, sed prodidit etiam accuratissime, quo primum anno recensum sit factus.
- Quod

Quod autem addit de drachmis LX. valde vereor, ne Lipsio errandi ansam præbuerit. Nam prima fronte id esse, quo de hic agit Augustus, congiarium videtur. At hoc datum est XIII. consulatu: eodem igitur populus recensitus. Procederent recte omnia, si idem esset congiarium; sed non est, imo aliud, quod ex quorundam sententia præter hoc dedit Augustus, quadriennio ante decimum tertium consulatum, cum plebem recensuit. Cum igitur ab aliis historicis gravibus fortasse, neque indiligentibus id memoriæ proditum reperisset Dio; contra in hoc Augusti breviario, quo non dubito, quin sit usus, nullam ejus mentionem: tutum cepit consilium, ut defugeret auctoritatem, & habere se scriberet auctores hujus rei, affirmaturus eam certius, si ab ipso Augusto proditam reperisset. Hæc dici possunt pro Dione ἀντιπροσέτιον reo. Superest levis in numero accipientium varietas. Nam Dio M.CC. fuisse tra-

dit; Augustus paullo plura. Dicerem  
positam à Dione summam rotundam,  
ut sæpe alias ab omnibus scriptoribus,  
ni proclive esset conjicere nonnullos  
eo quadriennio receptos ultra illam  
certam ac definitam multitudinem.  
De numero autem accipientium ante  
recensum nihil habeo, quod liqueat.  
Dio cum scribit fuisse *παλῖθος ἀόριστοι*,  
satis indicat ob eam præcipue caus-  
sam à se omitti, quod fuerit semper  
varius & incertus. Sed tamen cum  
recensus est actus, quantus fuit? Vir  
doctissimus optime de multis veteri-  
bus scriptoribus meritis, de congiar-  
io scribens, quod in his fragmentis  
prodit Augustus à se datum trecentis  
viginti millibus plebis urbanæ, suspi-  
catur, quamquam ad congiaria, quam  
ad frumentationes major hominum  
numerus admittebatur, tamen etiam  
frumentum accipientium ante Augu-  
sti constitutionem hunc numerum fu-  
isse. Neque habeo cur probem, ne-  
que cur rejiciam hanc suspicionem.

Hoc.



Hoc tantum noto, datum id congiarium anno V.C. DCCXLIX. cum superiore factus esset recens. Fortasse igitur nihil huic multitudini cum ea, quam quærimus, rei est.

Priore fragmenti hujus capite (libuit enim in eo describendo sequi Augusti ordinem, in explicando autem nostrum) eorum numerus continetur, qui acceperunt frumentum privata pecunia coemptum ab Augusto. Quæ autem in eo sunt corrupta & mutila, possunt pristinae integritati, aut saltem sententiæ restitui ad hunc modum.

QVÆ. MEA. CONGIARIA.  
ET. FRUMENTUM. ACCE-  
PERUNT. HOMINUM.  
NVNQVAM. MINVS.  
QVINQVAGINTA. ET.  
DVCENTA. MILLIA. Nam

à capite superiore, cujus initium est  
LIBRI. ROMANI. sive ut  
arbitror reponendum, PLEBI.  
ROMANÆ. usque ad hoc Augu-  
stus nummarias & frumentarias largi-

tiones exsequitur. Supplevi autem  
**ACCEPERUNT. HOMINUM.**  
 iis rejectis, quæ ad hanc lacunam explendam Lipsius affert, quia visus sum mihi sequi Augustum ducem, ejusque vestigiis insistere. Nam duo sunt in largitionibus singulis præcipua, quæ ille sibi memoriæ mandanda proposuit; quid dederit, & quam multis dederit. Cum igitur se duodecim frumentationes emensum jam dixisset, proximum erat, ut eorum ascriberet numerum, qui acceperant. Quamquam autem his addi tertium caput potest, quantum dederit; hoc tamen in solis expressum nummariis largitionibus videmus. Ubi enim certus erat frumenti numerus apponendus, satis habuit Augustus scribere infinite, datas à se duodecim frumentationes. Id quod ex horum fragmentorum inter se collatione verum esse constabit.

22. Non possum igitur Lipsio assentiri, qui hunc locum ita legit. **QUALI. MEO. CONGIARIO. FRUMEN.**

MENTI. MODIUM. NUN-  
QVAM. MINUS. QVINQVA-  
GINTA. ET. DUCENTA. MIL-  
LIA. Non solum quia non assequor,  
quid sibi velit his verbis ; utrum da-  
tum singulis modium , an vero nun-  
quam minus largitionibus singulis ef-  
futum ducentis quinquaginta modi-  
um millibus: verum etiam quia multis  
partibus majores sunt , & digniores  
Augusti liberalitate , ac prædicatione  
largitiones , quæ numero accipientium  
significantur. Nam ducenta quin-  
quaginta modium millia , ut singulis  
dati fuerint modii quini , acceperunt  
hominum quinquaginta millia : at ex  
nostra emendatione frumentum , & o-  
mnia congiaria , de quibus supra facta  
erat mentio (nam hic numerus perti-  
net ad omnia) nunquam minus acce-  
perunt hominum CCL. M. Neque  
hæc modo, sed multa præterea me ad-  
ducunt ad rejiciendam æque illam al-  
teram ejusdem emendationem. FRU-  
MENTANTIUM. NVM. NVN-  
QVAM.

QVAM. MINVS. QVINQVA-  
GINTA. ET. DVCENTA. MIL-  
LIA. Namque Augustum tam per-  
verse loquutum nemini unquam po-  
terit persuaderi, qui Suetonium lege-  
rit capite LXXXVI. Illene ita loqua-  
tur, & eleganter se loqui prædicet?  
Illene vitet ineptias, qui sensa animi  
sui verbis illis. exprimit. apertius,  
quam his? FRUMENTANTIVM.  
NUMERVS. NUNQVAM.  
MINOR. DVCENTIS. QVIN-  
QVAGINTA. MILLIBVS. His  
adde, quod non esse præteritum nu-  
merum eorum, quibus pecuniam erat  
dilargitus, clamant. reliqua omnia  
breviarii. hujus fragmenta. At is,  
qui sit expressus, non video. Sed &  
illa compendiarie nota NUM. alie-  
na esse huic tabulæ videtur. Postre-  
mo una eademque ratione potest u-  
traque emendatio jugulari. Cum e-  
nim duæ sint capitis partes, prior de  
frumentaria, posterior de nummaria  
largitione, atque huic non illi concu-  
pta

pta hæc verba subjiciantur, cur sola frumentatione concluditur? cur hæc transferuntur in locum alienum, quæ possunt commodè collocari in suo? sed de his jam nimis multa. Permittamus rem totam iudicio eruditorum, & ab Augusto ad Tiberium transeamus, à quo auctum numerum accipientium frumentum colligit Lipsius ex his Taciti verbis lib. VI. *iisdem* *Coss.* (Cn. Domitio & M. Furio anno V.C. DCCXXCV.) *gravitate annonæ juxta seditionē ventum. Multaq; & plures per dies in theatro licentius efflagitata, quam solitū adversus Imperatorem. Quæ commotus incusavit magistratus Patresq; quod non publica auctoritate populum coercuissent; addiditq; quibus è provinciis, & quanto maiorem quam Augustus rei frumentariæ copiam adveheret. Si auxit, inquit Lipsius, numerum frumenti, ergo & frumentanum.* Præclare: si quidquid frumenti Romam advehendum Tiberius curabat, largitionibus effundebat. Sed eū arbitror omniū ur-

colentium commodis consuluisse, item ut Augustum, qui suscepta rei frumentariæ procuratione, Pompeji exemplo civitati universæ commearum suppeditavit: imo habuit etiam frumentum vœnale, ut Suetonji testimonio supra confirmavimus. Hoc igitur munus una cum imperio, cui erat annexum, cum suscepisset Tiberius, incidisse q̄ aliquando caritas annonæ, prope absuit populus à seditione facienda, non tamen in theatro abstinuit à verborum licentia, & ab efflagitanda aut cura majore in advectione frumenti, aut aliqua largitione. Hanc eo tempore minime populari, aut liberali seni, qualem eum describit Suetonius, exprimere non potuit: illam, quanta esset, Tiberius ostendit, cum in vecto in urbem è multis provinciis ingenti frumenti numero victum docuit à se ipsum Augustum. Hæc mihi verborum Taciti apertissima, & minime dubia videtur sententia, quam eo amplector libentius, quod inani ac le-

vi usus esset excusatione Tiberius, si  
verbum ullum de aucto à se numero  
frumentantium fecisset. Quid enim  
tū quasi in specula constitutus, ut ex-  
cubes, & invigiles pro Populo Ro-  
mano universo, de quæ operam, ne in-  
opīa prematur rei frumentariæ, defun-  
ctum te putas munere tuo, admissa  
quota plebis parte ad publicas fru-  
mentationes? Dabat Augustus anno-  
nam gratuitam millibus ducentis: Tu  
numerum auxisti: fac esse trecenta.  
Reliqua multitudo urbem colentium  
ea major, quam tu alis, amplius duode-  
cim partibus quid faciet? quis illi  
prospiciet? à quo annonam efflagita-  
bit? An à Præfecto? at nos te huic  
curationi præfecimus. Tu vide, cui  
mandaris, atque atque ab eo, diligen-  
tiam exige, quam tu nobis debes. Hæc  
in Tiberium frivola excusatione cul-  
pam suam prætexentem jactare potuit  
plebs Romana: quamobrem ipse al-  
teram arripuit, à qua non sunt aliena,  
quæ apud Tacitum legimus lib. IV.

Plebes acris quidem annona fatigabatur, sed nulla in eo culpa ex Principe. Quin infecunditati terrarum, aut asperis maris obviis iis, quantum impendio diligentiaq. poterat. Atque hac ratione plebi satisfacere Tiberius conatus est, non mentione ulla frumentariæ largitionis. Post Augustum Nero, quod quidem memoriæ proditum sit, primus frumentantium numerum auxit, donato militibus Prætorianis, qui erant eo sæculo minimum decem milia, frumento gratuito, quo ante ex modo annonæ utebantur, ut scribit Tacitus lib. XV. & Suetonius in Nerone capite X. Ab hoc tempore nihil certi reperio usque ad imperium Severi, qui quam multis dederit publicum frumentum, non obscure docet Xiphilinus his verbis. ὁ δὲ Σεβήσιος ἐπὶ τῆς δεκετηρίδος τῆς ἀρχῆς αὐτοῦ ἐδώριστο τῶν ὁμίλων πατὶ τῷ σιτοδοτοῦμένῳ (ita enim legendum, non σιτοδοουμένῳ, ut habent optimi etiam codices impressi) καὶ τοῖς στρατιώταις τοῖς δοῦν.



δ' εὐφόροις ἱερειοῦς τοῖς τῆς ἡγεμονίας  
 ἔστι χρεῖσιν. id est. Severus cum de-  
 cennalia imperii celebraret, universæ  
 frumentantium multitudini, militibusq;  
 Prætorianis tot aureos donavit, quot  
 annos imperaverat. Et mox eis τὴν δω-  
 ρεῖαν πάλιν πενταχίχλιαι μυριάδες  
 δραχμῶν ἀνηλώθησαν id est. In id con-  
 giarium quinquies mille drachmarum  
 myriades sunt erogatæ. Quinquies  
 mille drachmarum myriades sunt  
 denarium quingenties centena millia,  
 aut more Romano HS. bis millies, au-  
 reorum nostrorum quinque milliones  
 ut vocant, veterum autem duntaxat vi-  
 cies centena millia. Si igitur deni sunt  
 singulis dati, accepere id congiarium  
 hominum rotunde millia ducenta, to-  
 tidemque per ea tempora publicum  
 frumentum. Hæc mihi haud paullo  
 certior frumentantium multitudinis  
 Severo imperante investigandæ ratio  
 videtur, quam ea, qua usi viri doctissi-  
 mi è Spartiani verbis ad millia sexcen-  
 ta accessisse collegerunt. Hic observo,  
 quam

quàmquam modo non par fuit numerus eorum; qui gratuitam annonam accipiebant ab Augusto & Severo; id tamen fuisse discriminis, quod ille Quiritibus tantum dabat, hic militibus etiam Prætorianis, qui si fuerunt per ea tempora quadraginta millia, ut Lipsio placet, Quiritium numerum reductum oportuit ad M. CLX. Hujus rei prima initia non comperi: suspicor tamen coeptum minui à Nerone plebis numerum, cum anno imperii X. sustulit, ut dixi, publicam frumentationem, XI. autem gratuitam annonam Prætorianis dedit. Ejus vestigia reliqui, opinor, Imperatores sequuti. Quæret quispiam, fueritne ullum tempus, cum cives omnes caperent publicum frumentum. Non videtur; & Senecæ locus lib. IV. de beneficiis capite XXVII qui obstare videbatur, fuit egregie à Lipsio in Admirandis explicatus. Neque est quod quisquam commoveatur iis largitionibus, quæ ante legem Semproniam sunt factæ,  
ia

*De frument. Roman. largit. 137.*

in quibus memoriæ mandandis Plinius & Livius quasi de industria & composito utuntur populi nomine, quo uno cives omnes continentur. Plebem enim eo significatam fuisse docebunt cum alii multi, tum vero Livii libro II. & Valerii Maximi lib. IV. capite IV. de Agrippæ Menenii paupertate loci inter se collati. Hæc de accipientium numero observabam.

*De iis, qui curabant publicum frumentum. Cap. VIII.*

**C**VM de iis dixerimus, qui accipiebant publicum frumentum, proximum est, de iis ut quæramus, quibus commissa erat curatio ac distributio. Et curatio quidem fuit uno verbo eorum, quibus Romæ imposita erat publica annona, quos qui fuerint paucis expediam. Regibus pulsus rem suscepit Senatus; mox Aedilibus plebis hæc Reipublicæ pars mandata est; semel.

semel extra ordinem ad L. Minucium, deinde ad Aediles curules translata, diuque gesta præclare, usque ad legem Semproniam, qua lege Gracchus an Aedilium curulium operam repudiavit, & ad alios hanc curationem transtulerit, non habeo dicere. Sane post legem Terentiam, quæ fuit Sempronia quinquaginta annis recentior, Prætores de maiestate curam gessisse publici frumenti constat ex Pædiani argumento in Cornelianam. Ubi hæc leguntur. *Detulit nomen (C. Cornelii) Publius, subscripsit Cajus; & cum L. Cassius Prætor decimo die, ut mos est, adesse iussisset, eoque die ipse non affuisset, seu advocatus propter publici frumenti curam, seu gratificans reo: cum iis, quæ sequuntur. L. Cassius Prætor fuit M. Lepido, & L. Volcatio Coss: anno V. C. DCXXCVII. id est septennio post la-ram legem Terentiam: ut mihi veniat in mentem suspicari, si Aediles curules frumentaria procuratione altera harum legum soluti sunt, Terentia potius,*

us, quam Sempronia solutos. Nam Gracchum infensum Patribus, quis credat gratiam ejus legis, qua reddere plebem sibi obnoxiam parabat, cum Prætores communicasse? Terentium contra veri admodum simile est, aucto mirum in modum lege sua numero frumenti urbi inferendi, ejusque largitione revocata, majorem magistratum ei curationi præficiendum putasse, non solum ut provinciam hanc administraret majore auctoritate, verum etiam ut esset in potestate Senatus. Terentiæ successit lex Clodia, qua Sex: Clodio homini impurissimo quidquid usque frumenti fuit, traditum est. Cicero pro Domo sua. Scilicet tu homini egentissimo, & facinorissimo Sex. Clodio omne frumentum privatum & publicum, omnes provincias frumentarias, omnes mansipes, omnes horreorum claves lege tua tradidisti. Et mox. Quæritur etiam importuna pestis ex ore impurissimo Sex. Clodii rem frumentariam esse creptam, summisque in periculis ejus viri auxilium implorasse

Rsm.

*Rempubicam, à quo sæpe se & servatam, & amplificatam esse meminisset.* Is autem summus vir erat Cn: Pompejus, cui extra ordinem anno V. C. DCXCVI. altero à lege Clodia potestas rei frumentariæ toto orbe terrarum per quinquennium data est, Cicerone suadente, nuper ab eo in patriam restituto. Procuravit igitur annonam Pompejus usque ad annum ab V. C. DCCII. quo Prætoribus denuo esse hoc onus impositum suspicor, non affirmo. Creati deinde sunt a Cæsare Dictatore Prætores duo, totidemque Aediles Cereales anno V. C. DCCIX. eodemque anno Brutus & Cassius Prætores, ille inter cives, hic inter peregrinos cum Cæsare cæso jurisdictione urbana abstinèrent, neque ire ante tempus in provinciam honestum ac decorum putarent S. C. extra ordinem ita rei frumentariæ sunt præfecti, ut Brutus in Asia, Cassius in Sicilia frumentum emendum, & ad urbem mittendum curarent. Qua illi curatione

ut contumeliosa & sordida usi non videntur. Appianus civilium III. Cicerō XV. ad Atticum epistola IX. & sequentibus. Anno ab V.C DCCXXXI. plebs Augustum, concursu ad eum facto stimulante fame, annonæ procurationem suscipere coegit. Sed eo adhuc superstite alter creatus est annonæ Præfectus, qui utrum Augusto se ultro abdicanti successerit, an vero sit ascitus ab eo tanquam collega in hac procuratione, nemo, quod sciam, veterum tradidit. Illud constat Augustum aliena opera usum in hoc negotio. Tradit enim Suetonius capite VIII. Tiberium civilium officiorum rudimentis administrasse curam annonæ, quæ arctior inciderat. Porro illa rudimenta quæ fuerint, docet Vellejus. *Quæstor undevicesimum annum agens capeffere cæpit Rempublicam, maximamq; difficultatem annonæ ac rei frumentariæ inopiam Ostiæ, atque in urbe mandate vitrici moderatus est. Jam nemo non videt Augustum annonæ*  
Præ-

tis animis in Tiberium jam rerum positum plebs ierit in fame.

Claudium vero ius medio foro dicentem ita circumvasit clamoribus turbidis, & fragminibus panis appetiit, ut septus militum globo ægre se in Palatium reciperet, ut scribit Tacitus libro XII. & Suetonius capite XVII I. qui addit Claudium commotum hac seditione, nihil non excogitasse ad invehendos etiam tempore hiberno commeatus. Quare & negotiatoribus certa lucra proposuisse, suscepto in se damno, si cui quid per tempestates accidisset: & naves mercaturæ causa fabricantibus magna commoda constituisse. Cum tamen Claudio imperante anno Præfectus esset Turranius ex Ta cito libro XI. Ad hæc Antoninum cognomento Pium ob inopiæ frumentariæ suspicionem lapidibus à plebe Romana petiitum narrat Victor. Quibus seditionibus admoniti Imperatores muneris sui, rei frumentariæ studio.



studiosissime prospexerunt. Testes nummi veteres, quorum multi extant cum hac inscriptione. **ANNONA. AVGVSTA.** id est Imperatore curante copiose urbi illata. De his nummis legendus Antoninus Augustinus Dialogo. II. Testes etiam sunt veteres scriptores, quorum Plinius in Panegyrico Trajanum hoc nomine miris in coelum laudibus evehit. Xiphilinus in Pertinace scriptum reliquit, cum Lætus in eum conjuravit, & Falconem consulem Imperatorem creavit, Pertinacem ad mare fuisse commeatum inspicientem. Severus denique tantam rei frumentariæ curam gessit, ut septem annorum canonem moriens reliquerit, ita ut quotidie LXXV. modium millia expendi possent. Auctor Spartianus. Quæ autem hoc loco sunt à me collecta ad confirmandam superiorem illam conjecturam meam, qui perpenderit, is fortasse Præfectum annonæ appellatum, re ipsa curatorem & vicarium Principis fuisse mihi as-  
sen-

fontietur. Cum præsertim accedat superioribus non leve argumentum, quod aucta adeo Præfecti prætorii auctoritate, ut imperium tantum non vice sacra moderaretur, ferret certe molem omnium curarum, hæc quoq; procuratio ei delata est. *Tricias enim copias*, ut est apud Cassiodorum in formula Præf. annonæ, *Præfectura prætoriana procurat.* Qui igitur frumenta in urbem convehenda curarunt, hi sunt.

*De his qui frumentum distribuerunt.*

*Cap. IX.*

**F**Rumentum publicum plebi distribuere aliis alii temporibus. Dum stetit Respublica, iisdem ferme, qui annonam procurabant; Ædiles plebis, Curules, L. Minutius extra ordinem, ut jam demonstravimus. Lege Sempronia quis distribuerit nō liquet: sed Gracchum ipsum præfuisse, aut saltem adfuisse, cum frumentum plebi daretur, ex iis intelligimus Ciceronis verbis Tusculana. II I. quæ capite VI. recitavi-

citavimus. Post legem Terentiam, ut curam gessisse publici frumenti Prætorum, ita etiam distribuendum curasse veri haud absimile est. Post Clodiam Pompejus extraordinaria annonæ præfectura frumentum etiam donavit, auctore Dione libro XXXIX. Biennio post, anno V. C. DCCIII. C. Curio tribunus plebis legē alimentariam jastavit, qua jubebat Aediles metiri. Cælius ad Ciceronē libro VIII. epist. VI. sed eam latam non prodit. Idem legis Viariæ, quæ non dissimilis esset Agrariæ Rulli, eodem loco mentionem facit, de qua non erit abs re Lipsii exemplo pauca obiter disputare. Sunt, qui eam legem vocent Vivariam, quæ quid fuerit, certa conjectura non assequor: nisi forte ab eo, quod est vivere, nomen invenit, fuitque alimentariæ similis, quod utraque de rebus ad victum necessariis erat promulgata; quod tamen ex iis, quæ mox dicam, falsum esse constabit. Aliis placet legem fuisse Vinariam; *Sed quæ comparatio, inquit*  
Lipsius

Lipſius, erit vini ad agros? & repugnat res ipſa, ſicut in viis. Ego vero diſiſſa Lipſii ſententiã, quatenus fuiſſe vineariam negat, aſſentior: quod eſſe quidquam in his rationibus momenti putat, eo in alia omnia. Ipſe Vineariam ſcribit, ut lex Curionis ad diſiſionem pertinuerit, quæ in Italia, & Campania præſertim multæ, ſicut illa Rulli ad agrorum. Sed quid argutamur? quid conjeſturis rem certam atque exploratam indagatum imus? Sane Appianus lib. II. de bello civili hæc habet. ὁ δὲ Κουρίων ἐισηγείτο βαροτάτας ὑδῶν πολλῶν ἐπιſκευάſτῃ, καὶ καταſκευὰς, καὶ αὐτὸν ἐπιſτάτην αὐτῶν ἐπὶ πενταετὲς εἶναι. Curio ferebat ad populum de muniendis ac reſiciendis viis, hanc ſibi curationem in quinquennium depoſcens. Hæc apertiſſime de Viaria lege, non de Vinearia ſunt ſcripta: illa non multo obſcurius à Cicerone lib. VI. ad Atticum epiſt. I. extrema. Uedius venit mihi obviam, cum duobus eſſedis, & rheda equis juncta, & lectica, & familia magna, pro

G 2

qua,

*si Curio legem pertulerit, sestertia centena pendat necesse est. Hæc satis docent quamobrem dixerit Coelius legem Curionis Viariam similem Agrariæ Rulli fuisse. Nam Rullus quoque creari se lege sua volebat Decemvirum agris dividundis. Cicero Agraria II. Quos tandem igitur Decemviros creari vult? se primum. Dabatur eadem lege Decemviris potestas in quinquennium. Cicero ibidem. Dat præterea potestatem verbo prætoriam, revera regiam; definit in quinquennium, facit sempiternam. Quin etiam Rullus corrasa undique publice ac privatim pecunia montes auri spe devorarat, quibus inhiasse etiam Curionem Cicero significat. Atque hæc meo iudicio sunt capita, à quibus legū Agrariæ & Viariæ ducenda similitudo est: quæ multo essent plura, si de Curionis lege aut à pluribus, qui ad nos pervenissent, veteribus scriptoribus, aut ab his, quos laudavimus, plura essent prodita. Quæ tamen accepimus, ejusmodi sunt, ut con-*  
jicere

jicere liceat, pleraque omnia ex Agra-  
ria Rulli in Viaria Curionis esse tran-  
sata, ut Decemviratum, ut ornamen-  
ta, ut potestatem non modo id Italia,  
sed etiam in provinciis, & alia in go-  
nus. Quæ si vera sunt, ab iis etiam dis-  
sentiamus necesse est, qui legem Viari-  
am fuisse ajunt, qua numerus jumen-  
torum, vehiculorum, servorum civi-  
bus ad iter faciendum est definitus:  
quasi vero id sit vias munire ac sterne-  
re, de quo promulgata, ut ait Appia-  
nus, à Curione rogatio est. Sed rede-  
amus è diverticulo in viam. Ut igitur  
dicere cœperam, Curio una cum Via-  
ria, legem etiam alimentariam jacta-  
vit, qua jubebat Ædiles metiri. C. Cæ-  
sar Ædilibus suis Cerealibus id nego-  
rii, an mandarit obscurum est. Augu-  
stus anno V. C. DCCXXXI. cum an-  
nonæ est Præfectus, instituit, ut alii  
frumentum ad urbem advehendum  
curarent, alii dividerent; quo plures  
partem Reipublicæ caperent ex Sue-  
tonio capite XXXVII. Hi principio

duo tantum fuerunt lecti ex eorum numero, qui ante quinquennium præturam gessissent. Dio initio libri LIV. sed quinto post anno Augustus numerum auxit, instituitque ut magistratus singuli singulos ante triennium prætura functos nominarent, è quibus quatuor sorte legerentur, qui in dividendo frumento sibi invicem succederent, eodẽ auctore in actis anni DCCXXXVI. Iterum anno DCCLIX. in maximis annonæ difficultatibus viros consulares extra ordinem huic, ut arbitror, curationi præfecit. Quamquam non nego, curatores etiam esse potuisse. De superioribus illis præfectis frumento dando, adtribuendo, præter veteres inscriptiones, est apud Frontinum libro de Aquæductibus. I. locus sane dignus qui describatur. Ex eo enim ut ornati sint, intelligere licebit. *Censuerunt placere huic ordini, eos qui aquis publicis præessent, cum ejus rei causa extra urbem essent, lectores binos, & servos publicos ternos, architectos singulos, & scribas librarior,*

*De frument. Roman. largit. 151*

rios accensos, præconesq; totidem habere, quot habent ii, per quos frumentū plebi datur. Et paucis interjectis. Utiq; quibus apparitoribus ex hoc S. C. curatoribus aquarum uti liceret, eos diebus decem proximis, quibus S. C. factū esset, ad ærariū deferrent: quiq; ita delati essent, iis prætores ærarii mercedem, cibaria, quanta præfectis frumento dando (Ursinus legit. quanta præfectis frumento) dare, deferreq; solent, annua darent, & attribuerent. Verba sunt veteris S. C. Augusti ævo facti, Q. Ælio Tuberone, & P. Fabio Maximo iterum Coss: quæ verba obiter docent apparitoribus magistratum frumentum datum, certumque per ea tempora, & quasi solennem ejus modum fuisse. Post hæc tempora non memini me quidquam observare. Ad panē quod attinet, Valentiniano, Valente, & Gratiano imperantibus a Præfecto annonæ est distributus, ut legimus in Codicis Theodosiani titulis. De Canone frumētario urbis Romæ & De annonis civilibus & pane gradili.



*De frumentariis provinciis. Cap. X.*

Postrema superest disputationis pars de frumentariis provinciis, de iis scilicet, quæ & frumenti erant feraces, & magnū ejus numerum populo Romano suppeditabant. Præcipuæ fuere Sicilia, Africa, Sardinia, Hispania, Beotia, Macedonia, Chersonesus, Asia, Syria, Ægyptus, è quibus omnibus, si Ægyptum excipias ab Augusto provinciam factam, cum stante Republica, tum vero etiam collapsa frumentum Romam advectum est, aut publicum ex vectigalibus, aut S. C. coemptum, aut privatum à mercatoribus, quod interdum fiscus emebat. Harum provinciarum meminit Cicero frumentaria in Verrem, & pro lege Manilia, ubi Siciliam, Africam, Sardiniam tria fuisse testatur frumentaria subsidia Reipublicæ. Ad Atticum lib. XV. epistol. IX. & sequenti, Varro de re Rustica, Livius multis locis, Plinius libro XVIII. capite VII. uno verbo pleriq; omnes Græci

Græci & Latini rerum Romanarum scriptores, qui tamen tres præcipue celebrant, Siciliam, Africam, Ægyptum, è quibus ingentem frumenti numerum quotannis Romæ illatum credere par est. Atque ex Sicilia quidem, quam M. Cato ille sapiens cellam penariam Reipublicæ, nutricem plebis Romanæ nominavit, ut auctor est Cicero in Verrem jurisdictione Sisiliensi, aut decumarum, aut emptionis nomine advecta Romam quotannis ad octuagies bis centena modium millia fuisse intelligitur ex eadem Ciceronis frumentaria. Ex iis DCCC. modium siculorum, quæ DCCCCLX. sunt Romanorum millia lege Terentia importata ad largitiones faciendas supra diximus, quæ, si verum est accepisse hac lege publicum frumentum ad LX. hominum M. tres paullo amplius menses plebem Romanam alverunt, cum essent menstrua largitio CCC. M. modiorum. Africani autem frumenti modum putat Lipsius <sup>29</sup> memorizæ mandatum à Plutarcho in

Cæsare, quem victo Scipione gloriatū  
prodit, regionem, quam subegerat, ta-  
lem esse ac tantam, ut ex ea quotannis  
vestigalis nomine Populus Romanus  
præter olei pondo tricies centena M.  
percepturus esset frumenti CC.M. me-  
dimnum Atticorum, quæ sunt modium  
Romanorum duodecies centena M.  
Sed cui poterit persuaderi tam exigu-  
um vestigal exactum ab Africa univer-  
sa? Ne quis ergo temere accuset Plu-  
tarchum, intelligendum est hæc ab eo  
scripta de quibusdam tantum Africæ  
urbibus. Et quidem ingentem illam  
olei summam exactam à solis Leptita-  
nis tradit aperte auctor commentari-  
orum de bello Africano in calce. *Lep-  
titanos, quorum superioribus annis Juba  
bona diripuerat, & ad Senatum questū  
per legatos, atq; arbitris à Senatu datis,  
sua receperant, XXX. centenīs millibus  
ponderibus olei in annos singulos multat.*  
De frumento res est obscurior. Quam-  
quam enim apud eundem scriptorem  
legimus Tisdrīdanos propter humili-  
tatem

tatem civitatis non pecunia, ut Hadrumetanos, & Thapsitanos, sed certo frumenti numero multatos; hoc tamen annum vectigal an fuerit, non constat. Ut ut est, quæ de oleo sunt scripta, etiam frumentum aut ab una ex omnibus, aut à paucis Africæ urbibus fuisse exactum indicant. Quid autem reliquæ Africæ urbes, quid Mauritania ab Augusto provincia facta, quotannis pependerit, non fuisse consilium Plutarcho ibi tradere. Alio igitur iter convertendum, est & ipso quidem Lipsio duce, qui ad hanc rem illustrandam in II. de magnitudine R. cap. X. alterum affert locum Josephi ex oratione Argippæ ad Judeos, in qua affirmat Africam octo mensibus populum R. alere Ægyptum quaternis. Quare cum ex Ægypto Victore teste in Augusto, urbi illata sint annua ducenties centena M. modium frumenti, facile intelligitur Africam annua circiter quadringentes centena M. modium pependisse. Verum ne hæc quidem ratione quidquam pro-

promovemus. Cum enim hæc de diversis ætatibus memoriæ sint prodita, non temere ad unam videntur revocanda. Scripsit hæc Victor de Augusto, à quo Ægyptus vectigalis est facta; centesimo prope anno post Ægyptum subactam. Ante igitur quam par vectigal sub Augusto & Nerone pependisse hæc provinciam constet, nihil ex collatione horum locorum erui poterit, quod faciat ad rem nostram. Huc accedit, 28 quod suspectus mihi est Iosephi locus, nec videtur conniventibus oculis prætereundus. Latet enim fortasse in eo maxime insigne & illustre mendaciū, quod vero etiam, si quid in eo veri est, detrahit fidem. Non nego potuisse fieri, ut Romam ex Africa quotannis duplo major, quam ex Ægypto frumenti numerus inveheretur. Scio enim Africam maximam esse, & feracissimam; & video, quam fruminti vim dare potuerit uni urbi tertia prope pars orbis terrarum: id tamen Agrippæ, sive Iosepho affirmanti quominus credam, facit a vero.

vero abhorrens ejus dictum de tanta  
annonæ vi Urbi illata ex his duabus  
provinciis, ut an unum victum populo  
R. suppeditarent. Metuo igitur, ne  
Agrippa in hac re ita servierit causæ  
magis, quam veritati, ut in aliis plerisq;  
in eadem oratione, quas miror Lipsi-  
um credere, quam examinare maluisse.  
Porro Agrippam in hac re fuisse men-  
titum, vel illud documento est, quod si  
Ægyptus & Africa populum R. aluere,  
nil frumenta ex aliis provinciis impor-  
tato opus fuit: at illatum Plinius testa-  
tur libro XVIII. capite VII. scribens de  
frumento. *Ex his generibus, quæ Romam  
invehuntur, levissimum est Gallicum at-  
que è Chersoneso advectum. Quippe non  
excedunt in modum vicens libras, si  
quis granum ipsum ponderet. adjicit Sar-  
dum sex libras (qui sex libras legunt, eos  
non sequor) Alexandrinum & trientes.  
hoc & Siculi pondus. Bæotium totam li-  
bram adjicit, Africum & dodrantes.*  
Hoc frumento ex Gallia Chersoneso,  
Sardinia, Sicilia, Bœotia Romam in-  
vecto

vecto, quæro quid factum sit, si solæ  
 Africa & Ægyptus aluere populum  
 R. Quid? quod ne alere quidem potu-  
 erunt? Cum sexcenties centena modi-  
 um M. qui modus fuisse dicitur Africa-  
 ni simul & Ægyptii frumenti à vicies  
 centenis hominum M. fuerint absum-  
 pta: Urbem autem, Lipsio teste (de cu-  
 jus sententia alias disputabimus) colu-  
 erint ad quadragies centena M. Mitto  
 peregrinos, qui dum in urbe moram,  
 quamvis brevem, trahebant, ejus an-  
 nona utebantur. Volo enim his tribui,  
 quidquid parcebant lautiores, quibus  
 panis obsonii loco erat. Si igitur quæ  
 de Urbis frequentia traduntur, vera  
 sunt, ut sane Lipsio videntur, vix seme-  
 stria ab Africa & Ægypto alimenta  
 populo R. fuerunt suppeditata. Dicet  
 quispiam Injuria Josephum carpis, qui  
 non de universa Urbem colentium  
 multitudine hæc scripsit, sed de iis tan-  
 tum qui gratuitum frumentum accipi-  
 ebant; atque hoc dicit. Africanum &  
 Ægyptium vectigal tantum fuisse,  
 ut in-

ut ingens frumentantium multitudo illo octo, hoc quatuor reliquis anni mensibus aleretur. Velim, qui hac defensione utitur, is me doceat, unde eruat, aut esse hic Agrippæ sermonem de largitione, aut Ægyptium præcipue, & Africanum frumentum largitionibus fuisse destinatum. Nam Josephi hic locus & est controversus, &, quod gravius est, rejicit à se hanc sententiam. Pugnatur enim cum Agrippæ consilio apertissime, quod erat docere, levibus Judæos oneribus premi præ aliis provinciis populo R. subiectis, ex quibus Africa maxime & Ægyptus ingens quotannis vectigal persolvebant. At vectigalis hujus magnitudo ex eo frumenti numero, qui abibat in largitiones, intelligi non potest. Ponamus enim vel trecenta fuisse hominum M. imperante Nerone denos modios quot mensibus capientia (omnia enim in tam bona causa Lipsio largiar) subducta ratione, trecentis sexagies centena modium M. quotannis donata reperiremus.



emus. Sola igitur Africa non aluit modo populum R. sed tantum etiam frumenti dedit, ut reliqua essent anno vertente quadragies centena modium M. & præterea quidquid dabat Ægyptus; quam summam Josephus cur sibi contemnendam, atq; omittendam putarit, non video; cum tantum frumenti numerum vix quatuor Siciliæ duabus decumis persolutis suppeditare potuerint. Quod si modus frumenti fuerunt modii quini, quod & verius puto, ne tertia quidem horum vectigalium pars est significata, & sola Ægyptus populum R. aluit. Quid igitur si minus augere, at historica fide æquare verbis studebat vectigalium illorum magnitudinē, is usque adeo minuisse comperietur, ut vel plus paullo dimidio, ut omnia largiamur, vel ne tertiam quidem partē si verisimiliora sequi velimus, significarit. Sic Josephus quoque se verterit, reprehēderetur. Vidit hoc vir acutissimus, sed huic, qua de agimus, loci hujus interpretationi mirum in modum additus.

ctus, atque ut Josepho opem ferret, Victori adhibuit medicinam, & Ægyptū dimidia vectigalis parte levavit. Suspicatus est enim in Victore legendum *ad centies centena modium millia*. Sed Victoris locus, mea quidem sententia, integer est: idque adeo ipse indicat, cum fidem iis astruens, quæ de ingenti frumenti numero ex una provincia Urbi illato mox erat dicturus, scribit, Augustum, ut annonæ Urbis Ægyptum copiosam efficeret, fossas incuria vetustatis limo clausas labore militum patefuisse, quod à Suetonio quoque capite XVIII. & à Dione libro LI. proditum est. Deinde illa subdit, quæ supra commemoravimus. *Huius tempore annuâ Urbi ducenties centena millia frumenti inferebantur*, significans ingentē hanc feracitatem Augusti operibus esse acceptam referendam. Profecto autem si uspiam alibi, in Ægypto fossas purgantibus, & paludes siccantibus ratio operæ constitit. Id reapse expertus est Augusti ævo C. Petronius Ægypti Præfectus,

ctus, non multo post quam provincias  
est facta, de quo Strabo legendus libro  
XVII. haud procul initio. Sed & Aure-  
liano Principe, his ipsis operibus in  
Ægypto factis à Probo, qui postea im-  
peravit, tanta est facta ad pristinum ve-  
ctigal accessio, ut ex ea panibus in Ur-  
be vœnalibus unciam addiderit gratui-  
tam. Sed altera etiam patet ad verita-  
tem via, ut cum Ægypto Siciliam con-  
tendamus. Hæc enim partem Ægypti  
tertiam vix æquat magnitudine pau-  
cosque habet campos, qui fundant cū  
centesimo, aut, si Ciceronem audimus,  
planè nullos, cum feracissimi efficiant  
cum decimo; & tamen bis & septuagi-  
es centena modium Romanorum M.  
quotannis populo R. pependit. Ægy-  
ptum autem triplo maiorem, & multis  
partibus fertiliorē (reddebat enim  
Plinio teste, modius unus centenos) ne-  
gabitur triplum, imo aliquanto minus  
dare potuisse? Mihi sane in mentem  
venit mirari, non plus etiam dedisse,  
post tantam adhibitā in ea excolenda  
ab

ab August, & Petronio diligentia: tantum abest, ut modum, quem Victor memoriae mandavit minuendum putē. Imo fit, ut quomodo hæc à veteribus narrantur, videatur Sicilia ut grani pondere, sic etiam fertilitate cum Ægypto certare. Ut enim par fuit tertiæ ejus parti, sic amplius tertiam vectigalis partem persolvit. Neq; est, quod quemquam commoveant duæ decumæ præbitæ à Sicilia. Ægyptum enim tantundem pependisse prodit Orosius libro primo cap. VIII. de fame loquens, quam Josephus Ægypto avertit. *Hujus temporis argumentum historia, fastisque reticentibus, ipsa sibi terra Ægypti testis pronuntiat, quæ tunc redacta in potestatem regiam, restitutaq; cultoribus suis ex omni fructu suo usq; ad nunc quintæ partis incessabile vectigal exsolvit.* Hæc dici possunt pro Victoris loco, ad quē corrumpendum ansā dedit frumentaria largitio. Sed nil mirum ad eā enī multi præterea veterum scriporum loci falso revocantur: ut unus de Tiberio al-  
ter de

de Nerone apud Tacitum, tertius Vopifci de Aureliano, quartus Olympiodori apud Photium. Scribit Olympiodorus post Romam à Gothicis captam Albinum Præfectum Urbis ea denuo instaurata scripsisse, non sufficere populo missos commeatus, cum Urbs in dies fieret frequentior: hisque adjecisse diurnum canonē esse quatuordecim millium, ut opinor, modiorum. Hunc Albinus exprefferat, ut posset conjici ex eo, quanta ad eam diē hominū multitudo in Urbem confluxisset, non ad largitionem ullam significandam, quæ sane labante imperio, & Urbe recens vastata insignis fuisset, si donari potuissent. C. hominum millibus modii quini menstrui, aut panis, qui in frumenti jampridem successerāt, pondo bina millibus CLXXX. De Taciti locis ex libro VI. & XV. Annaliū capite III. & VII. satis disputavi. Vopifci verba ex Aureliani epestola ad Præfectū annonæ in Electis afferuntur, cū tamē à pane gradili frumētī vicario, quo de agitur,

tur, mire sint aliena. His Cassiodori locus è libro VI. Variarum in formula Præfecti annonæ subjicitur, qui ad panem vœnalem procul dubio pertinet. Eodem Victoris de Trajano referendus est locus, ut capite IV. ostendi. Sed hac de re nimis fortasse multa, modum igitur scribendi faciam, si prius modos Romanos, quorum passim in hac disputatione mentio est facta, revocavero ad Patavinos: ut quemadmodum regionum tabellis modus in angulo apponitur, ex quo earum magnitudo, urbiumque intervalla cognosci possint: sic habeant in calce hujus libelli studiosi antiquitatis, unde intelligant, quantæ fuerint hæ largitiones, atque in primis Ægyptium & Siculum vectigal. Unciæ igitur Romanæ veteres octodecim, Patavinæ libræ majori, quam grossam vocant, à subtili ut discernatur, respondent: ut à Laurentio Pignorio viro haud scio utrum meliore, an doctiore, utroque certe nomine mihi clarissimo animadversum est. Quo  
fit,

fit ut siculi & Alexādrini frumēti modius librarū circiter unius & viginti Romanarū, Patavinas XIV. pepēderit; & modii veterum terni sextario nostro pondo librarū XLII. frumenti non optimæ notæ; modii autē triceni seni modio nostro sextariū duodenū, maximæ aridorum mensuræ, sint pares. Quare Augustus, qui emēsus est quotannis modios sexagenos ducentis hominū millibus, circiter CCCXXXIV. Patavinorū modiū millia est largitus. Et Ægyptiū vestigal, quod Victor expressit, Patavinorū modiū paullo minus DLVI. M. Siculū autē id est binæ decumæ CC. M. ferme æquarit. Sed & illud constat, frumenti vim omnem, quā Augusto imperante feracissima Ægyptus quotannis ferebat, fuisse modiū Patavinorū vices septies centenū octoginta millium; Siculi autē frumenti numerum modiorum ferme decies centenū M. quæ mihi summæ decantata harū regionū feracitate sane exiguæ vidētur; tantum abest, de aliquid detrahendum putem.

F I N I S.